



00691

重修南海普陀山志卷之十八

江蘇金陵 王鼎勳青甫參定

秦耀會遠亭編輯

普濟寺住持能崙鴻臚校訂

詩詠

夫同泰浮圖庾肩吾既傳佳什石壁精舍謝靈運亦  
著騷章然企想祇洹不離中土至若珠林金地遙隔  
龍宮廣殿長廊旁臨鯨渤乃有浮槎仙客跨煙島而  
聯吟挂席詞人御風潮而搜句固知取况幽遐造懷  
寥廓奉蘇韓于梵宇快睹詩豪遇章孟于化城即多

普陀山志

卷之十八 詩咏

韻事已誌詩詠

遊洛迦山

臨川 王安石 時為

山勢欲壓海。禪宮向此開。魚龍腥不到。日月影先來。樹  
色秋擎出。鐘聲浪答回。何期乘吏役。暫此拂塵埃。

遊補陀 以下元

誤典 趙孟頫 翰林

縹緲雲飛海上山。挂帆三日上潺湲。兩宮福德齊千佛。  
一道恩光照百蠻。澗草巖花多瑞氣。石林水府隔塵寰。  
鰕生小技真榮遇。何幸凡身到此間。

遊補陀

王鼎勳 盛熙明

驚起東華塵土夢。滄州到處卽爲家。山人自種三株樹。

天使長乘八月槎。梅福留丹赤似橘。安期送棗大于瓜。  
金仙對面無言說。春滿幽巖小白花。

夕泛海東尋梅岑山觀音洞遂登磐陀石望日出

處

吳棻

山月出天末。水面生晚寒。扁舟劃朕往。萬頃相渺漫。星  
河白搖撼。島嶼青屈盤。遠應壺嶠接。深已雲夢吞。蟠木  
繫子纜。扶桑纓我冠。寸心役兩目。少試鯨魚竿。

其二

起尋千步沙。穹石塞行路。怒濤所縱擊。徒以頑險故。卓  
哉梅子真。與世良不遇。上書空雪衣。燒藥迺煙樹。元螭

普陀山志

卷之十八

詩咏

二

時側行。縞鶴一迴顧。從之招善門。滄海晝多霧。

其三

茫茫瀛海間。海岸此孤絕。飛泉亂垂纓。險洞森削鐵。天  
香固遠聞。梵相俄一瞥。魚龍互圍繞。山鬼驚變滅。舟航  
來旅游。鐘磬聚禪悅。笑撚小白華。秋潮落如雪。

題昌國補陀寺

丁鶴年

高士

神鼇屹立戴崔嵬。俯瞰滄溟水。一杯積翠自天開。菴畫  
布金隨地起樓臺。祈靈漢使乘槎到。傳法梁僧折葦來。  
若使祖龍知勝槩。豈應驅石訪蓬萊。

其二

昆明劫火忽重然。宇內名山悉變遷。古刹獨存龍伯國。  
豐碑猶記兔兒年。三更日浴咸池水。八月潮吞渤海天。  
雲漢靈槎如可御。便應長往問羣仙。

普陀大士橋

劉仁本

金碧玲瓏埵影雙。綺霞香霧濕疎窗。鮫人織浪爲華蓋。  
龍女持珠獻寶幢。震海風雷音縵縵。彌山潮汐嚮春撞。  
願求示現將軍相。一鼓羣魔盡攝降。

遊補陀

以下明

昌國

張

信狀元

浮生同一夢。感慨憐我情。文章祗覆缶。鉛槧總頑形。拂  
茲蘅竇下。凌彼天之層。和風灑雲龍。清樾培佳程。瞻言

普陀山志

卷之十八

詩咏

三

遊仙侶趣趾成蓬瀛

洛迦山望海

新會

陳獻章

名臣

元氣茫茫混太虛。天吳簸撼蕩坤輿。千年木石勞精衛。  
百谷波流會尾閭。月下明珠鮫女泣。雪中飛觀羽人居。  
秋風吹老珊瑚樹。不見麻姑錦字書。

其二

一花初起白龍堆。萬騎長驅石壁開。碧海有山都是雪。  
青天無雨只聞雷。秋高鴻鵠排雲去。夜靜蛟龍出穴來。  
借問乘槎向何處。五雲咫尺是蓬萊。

寶陀禪寺漫興

寶塔凌空十丈高。倚欄南望際鯨濤。天花散處皆金地。  
海月生時見玉毫。夜氣澄清龍在窟。秋風蕭爽鶴鳴皋。  
丹梯咫尺諸天近。香霧霏霏溼翠袍。

贈補陀僧

前八

僧言海上來。會上妙高臺。瑞相天浮月。潮音地送雷。沙  
如金粟布。山似碧蓮開。雨帶龍腥過。雷隨鶴影迴。幽探  
還得寶。徑渡不須杯。我有登臨興。南詢識善財。

補陀山

嘉興陸光祖 太宰

天抱琉璃宮。鼇柱不見底。誰騎香象來。明月弄空水。

其二

普陀山志

卷之十八 詩咏

四

山椒石壁寒。沙岸水痕泐。濤聲日夜喧。禪心自空寂。

其三

白馬馱經來。乃在大海外。誰知震旦中。有此無色界。

其四

寶殿低秋浪。疎鐘入夜風。身心無處着。始悟本來空。

遊補陀

勤邑張子瑄 少卿

嶙峋仙界錦城堆。寶樹瓊花面面迴。勢壓海門鼇背重。  
光搖島嶼蜃樓開。層巒徧向雲間出。飛瀑全疑天上來。  
自是修真奇絕處。何須弱水問蓬萊。

禮洛迦山

沈明臣

三神山遠不能尋惟有洛迦名古今萬里扒桑開四照  
九天靈鷲削孤岑一枝鸚鵡多饒舌遍海蓮花不染心  
謁罷潮音靈洞口皈依願發晚濤深

題補陀

萬表都督

挂席凌瀟泮長風兩鬢颺俄狀見宮殿出沒在波濤龍  
女呈珠貝如來現玉毫直將超世界詎獨解天駭

其二

不爲名山住將因法喜探波聲搖佛座松色暗經函天  
女咸悲仰童真亦屢參捨家猶畜髮長此事瞿曇

禮洛迦山

沈一貫大學士

普陀山志

卷之十八 詩咏

五

積水中開梵帝宮孤帆遠引列仙風始知四大浮空住  
別有三天護法雄肅拜聖儀明滅裏迴看人世有無中  
殷雷頻吼潮音洞何處西方更發蒙

其二

近有三生紫竹緣何須十地與諸天獨騎香象開龍國  
故擊靈鼙撼屨川銀浪秋掀天影澹金輪朝發海光圓  
但將一勺澄心地舉目千花盡是蓮

其三

妙應峯頭披世氛磐陀石上攬晴曛大千毫髮空中見  
諸佛威音定裏聞虛唄自隨龍鬱律天香惟與鶴氤氳

三山近立祥河外盡爲金仙駐彩雲

遊寶陀寺

山陰黃猷吉

念憲

直爲探奇過上方居狀臺殿水中央到知海岸眞孤絕  
遙望瀛洲亦渺茫石洞寒潮鳴梵唄竹林明月放圓光  
鯨波一洗烽煙息仰見慈雲遍八荒

夢遊補陀山

餘姚

姜子羔

少卿

忽朕飛渡海之東海色澄清霄漢通借問此心何所似  
白雲映水月當空

遊補陀

嘉興

馮夢正

祭酒

西教東流到補陀金蓮花發映娑羅星河歷歷黏青藻

普陀山志

卷之十八

詩咏

六

島巘纍纍浸白波龍獻寶珠歸象罔僧留香飯與鼇鼉  
我來欲發如來藏老傷寒松學鳥窠

登補陀

皖城

劉尚志

副憲

欲問如來何處尋寶輪空裏海濤深朝看絕島開龍藏  
夜聽寒潮落梵音萬頃風雲浮碧玉九天日月布黃金  
閩州恍在藤蘿外夢入西方不住心

題洛迦

龍德孚

見前

望來菴柱綠無涯海上孤懸小白華說法臺高開寶藏  
潮音洞迴湧金沙扶桑夜沸三更日祇樹光生五色霞  
我亦有冠慚未挂梅岑何處覓丹砂

寄題補陀

仁卿 宋應昌 大司馬

洛迦山浸海波中大士西來彼岸通不是世人迷苦海  
有教說法到天東

禮補陀大士

聊城 傅光宅 提學

翠壁千重盡滄溟萬里開龍宮吞日月蜃氣擁樓臺五  
嶽誰飛錫三生此渡杯地疑人境外身似梵天回紫竹  
藏鸚鵡青蓮見善財海神聽法至天女獻花來慧眼觀  
千界潮聲振九垓皈依持半偈甘露灑塵埃

沈家門阻雨

雲海慈航一葦輕身隨大士踏空行波光東去通夷國

普陀山志

卷之十八 詩咏

七

煙島西來擁化城夜吼潮音千壑應寒飛花雨四天明  
塵心到此清如水文室吾將擬淨名

過海潮贈大智禪師

前人

寶地新聞大海邊法壇長日擁諸天慈光會滿三千界  
苦行先經六十年五嶽煙霞孤錫迴萬川水月一燈懸  
不知再見應何日一片心依智者禪

望補陀

上虞 顧充 郎中

我家世漁瀛海東煙波滿眼青濛濛我生夙抱探奇癖  
十洲五嶽期過從金闈一旦謬通籍矯首滄洲思無極  
憑誰寄我仙山圖開卷神飛渺南國秋濤灑瀚秋雲賒

紫翠中浮小白華瑤光遠映三摩地金色平鋪千步沙  
蛟宮鼉極出鼻鼻寶相珠纓示神異慧照孤懸震且中  
慈航飛渡閻浮際一襟水月共澄鮮真歇關頭好息緣  
泡影河山忽明滅恒沙世劫幾逃禪馬首京塵幾十丈  
西風吹滿青袍上苦海冥冥日望洋津梁咫尺徒神往  
題緘爲報大將軍莫楸楸古散字前志  
改作放字誤磯頭白鳥羣他  
日浮槎指南海相携同禮白巖雲吳星謝憇人詩

題洛迦

時寺徒  
候壽山

洛迦山上古祇林白馬西來峽口深

濟南

李攀龍

憲使

風還如是海潮音若非鸚鵡原能語誰解蓮花不染心

普陀山志

卷之十八

詩咏

八

五十三員知識盡可勞踪跡問浮沉

題補陀

題補陀

盱眙

李言恭

臨淮  
侯

五嶽三山總浪遊法門高敞海天秋窗前雲氣蛟龍起  
檻外波光鳥嶼浮月映寶珠明上界星隨燈火散中流  
黃塵白髮真無賴彼岸慈航何處求

寄題補陀

前爲寧郡守

同安

蔡貴易

按察  
使

憶昔分符日相依祇樹林天畱最勝地佛照不淄心海  
日蒼崖曉蓮花碧水深爲民遙頂禮願普恒沙金

龍女善財洞

龍女善財洞

梅

魁

參將

雪膚蒼貌紫霞裙幾駕蒼虬下碧虛踪跡尙畱青海山

佩環遙向玉樓居雲封洞口塵氛寂潮漲沙頭月影孤  
欲就此中求至理本來妙相一明珠

贈僧遜吾詣闕還

屠隆

見前

飛錫朝天闕浮杯到海東行蹤都不住教觀本來空  
寶月潮音外經臺花雨中精修久自悟覺性了圓通

蘭若孤懸大海中山根四面插蛟宮浪推旭日排天出  
風靜涼蟾照影空異鳥聲和仙樂細靈鼇背閃佛燈紅

神州別有三摩地况與蓬萊咫尺通

普陀山志

卷之十八

詩咏

九

不斷潮音響石淙蒼厓陞絕仗孤筇天浮島嶼雲帆亂  
殿壓鼇鼉雪浪春曾共鳥窠參了義還依龍藏討元宗  
日斜空水澄如鏡微有冷風送暮鐘

其三

獨上槃陀四望寬青螺一帶抹煙巒樓沾蜃氣全疑濕  
潮落沙痕半未殘波面紅蓮開一丈巖前紫竹長千竿  
竭來頓悟圓通理手挈銅餅汲巨湍

其四

不因禮佛到翁洲那識乾坤屬一漚欲就此中超幻劫  
更從何處覓閻浮雲光佛日三千界海色仙人十二樓

幢葢蕭蕭金磬冷碧山黃葉寺門秋

其五

翡翠臺吞島樹冥珊瑚簾控海峯青香船暮客帆投浦  
寶瑤霜鐘月在餅聖主紫泥封賜詔內官黃帕捧函經  
人非人等俱聽法夜半龍來殿不腥

其六

扶桑日出曉蒼茫森森行空一葦杭誰劈銀濤開寶界  
直扶鼇柱駕金梁僧歸雲水袈裟濕佛散天花宇殿香  
悟得無邊先及岸了知東土是西方

其七

普陀山志

卷之十八 詩咏

十

何來鷲嶺削千尋大士端居紫竹林日月高窗懸石扇  
煙霞古洞嚮潮音五雲瓔珞莊嚴妙七寶琉璃般若深  
菩薩泉名功德水但教一洗盡凡心

其八

凍雲時有鶴來歸舟楫雖多雞犬稀絳月夜侵龍女襪  
碧雲秋冷梵僧衣祇因海浪兼天遠轉覺香臺與世違  
塵土劫灰都不到蓮花開落是禪機

竹菴住持補陀賦贈

俠氣縱橫汾晉間忽朕披衲掩松關宮中親賜朱衣出  
海上遙賫丹詔還佛土已收爲上足君恩更許住名山

玉毫光裏如來現十丈蓮花雪浪灣

補陀十二景存十

前人

梅尉丹爐火不溫疎枝淡月島煙昏只愁海叟吹龍笛  
顛落羅浮萬樹魂梅灣春曉

龍宮蛟室霧網緇幾樹珊瑚認未真雪裏頰霞高十丈

紅綃恐是獻珠人茶山夙霧

海濤飛雪復春雲寶殿疎鐘入夜分潮自碎鉤僧自定

悟來原不是聲聞古洞潮音

清江使者夢冥冥五兆空嗟朽甲靈豈是來遊蓮葉上

水天霧冷月痕青龜潭寒碧

普陀山志

卷之十八 詩咏

十一

野衲齊繙貝葉書磬聲遙度暮沙虛神龍聽法妖蛟舞  
親見如來金臂舒天門清梵

黃如金屑軟如苔曾步空王寶筏來九品池中鋪作地

祇疑赤脚踏蓮臺千步金沙

波上芙蓉盡著花香船蕩槳渡輕沙珠林只在琉璃界

半壁紅光見海霞蓮洋午渡

博山突兀海孤懸日對軍持大士前不用旃檀然佛火

曉來嵐氣自生煙香爐翠靄

熒熒一點照迷津光奪須彌日月輪萬劫靈明應不滅

五燈傳後與何人洛迦燈火

蕭蕭古寺白煙生。童子烹茶煮石鐺。門外不知飄急雪。  
海天低與凍雲平。靜室茶煙

贈遜吾上人

臨海王立程舉人

開山初出定狎海。久忘機身後能生慧燈。前可付衣湖  
空千佛現鐘午。萬僧歸喝下青蓮。座煙霞獨掩扉。

贈翠崖上人

大士端居紫竹林。高僧入定翠崖深。翻來貝葉將千遍。  
證得蓮花不二心。頂上泥巢迦鳥覈。耳邊迸瀉海潮音。  
燈前欲問西來意。衣鉢何年直到今。

贈玉峯上人

普陀山志

卷之十八 詩咏

三

一片禪心定雪山。欄杆千尺翠濤灣。袈裟影裏金光聚。  
知是長安日下還。

贈大智禪師

前人

誰識空門不易修。羨君未刦早回頭。披來布衲裊眉雪。  
坐處蒲團滄海秋。龍象上方開佛土。金銀下界見閻浮。  
却留紫竹林間影。五十三參何日休。

秋日送昱光上人還南海

永平王渾然知府

杖錫雲爲侶。西風玉作林。雁橫天外路。霜斷月中砧。不  
住因緣趣。無端來去心。一航仍大海。還聽舊龍吟。

贈守拙上人

鄞邑董應震

靈潮噴湧洛伽峯高衲西來訂覺宗滿座清風閒挂錫  
一軒明月自扶筇經翻貝葉堪消晝饌煮伊蒲可作供  
我愛逃禪惟剩髮無妨寶筏每相從

送廓哉上人歸普陀

通州顧養謙總制

出山從作客經歲亦思家行泛東滄海言歸小白華瑩  
光來水月旋思賦風沙竹色仍看紫潮音聽更賒但知  
禪慧力忠信未須誇

贈竹菴師住補陀

王穉登山人

水月澄慈性風塵暗法顏詔從金殿出袒挂紫衣還蜃  
氣浮香剎鼇身負寶山秦川天萬里何處是鄉關

普陀山志

卷之十八

詩咏

三

贈遜吾上人

前人

衲衣藤笠遠從師足踏蓮花渡海時高浪如山心似水  
右肩徧袒執軍持

竹菴上人自闕還山賦贈

無錫龔勉布政

爲檢蓮花藏乘潮報至尊獲沾新露澤仍返舊雲門錫  
振山頭月杯浮海上村此來應有悟去去復何言

贈敏菴上人

長洲管志道僉事

竹杖芒鞋百衲衣飄然山海片雲飛爲探龍藏傳心印  
寒雨空巖自掩扉

送補陀潤渠師自長安禮五臺

鄞沈泰冲舉人

海雲無端百千色爲向吾師送飛錫蓮花洋畔香滿衣  
冷然御風來北極憐予寂寞不得意乍吐元言解愁怒  
玻璃鏡底照重昏鵬鷲網中開六翮片時置我松風間  
滌盡煩襟坐蕭颯卻月之遊未便忘倏忽棄去心轉惻  
五頂名山亦化城師今一往問消息文殊拈花梵剎竟  
何事恒沙勞羽翼試與海中洛迦山誰是如來真託跡

贈守拙上人

鄞邑余

寅太常少卿

汝復揚帆海上行高天寥廓候濤生新成法界參龍藏  
遠涉恩波出鳳城唄梵屢聽紅旭早雨花長接翠螺平  
殷勤更許酬賢達使者遙知徹聖明

普陀山志

卷之十八 詩咏

十四

題洛伽

餘姚呂允昌 吏部郎

絕島波間度空門嶂裏懸齋厨隨雀至野衲近蛟眠叢  
蔚蘿侵戶縈紆竹溜泉玻璃千萬頃水月映人天

送了然上人歸補陀

通州陳大科 侍郎

藤杖霜寒又拂衣梅花香處送君歸他年參得無生訣  
小白華山共掩扉

贈無邊上人

鄞邑余 詠

從君說法了元機相憶檀藥坐翠微覺海無邊誰悟得  
自臻彼岸始皈依

贈大乘上人

前人

碧浪粘空屨海平芙蓉朶朶繡如城請看夜月蓮臺上  
若箇真騎大象行

贈大乘上人

章載道

幾度曾逢海上僧禪心一片水雲澄也知開覺都名理  
妙法還須禮大乘

贈昱光上人

管萬里

飛鉢何年到海懸六時鐘磬法王前天生一片珊瑚舌  
遍說三千與大千

題洛迦

前人

古佛何年到海岑紫雲爲幕竹森森藏真咫尺蓬萊島

普陀山志

卷之十八

詩咏

五

護法莊嚴薺荀林風靜磐陀開寶界日春厓洞湧潮音  
頻迦異鳥聲聞切但說排山地布金

補陀歌爲勝林上人賦

南粵

韓上桂

舉人

補陀之山大士宅金光幻作蓮花色簸空雪浪洗扶桑  
相去蓬壺看咫尺中有彌天大慧僧欲續如來不滅燈  
緡經了義無一字卓錫人間自在行閒過南海參龍象  
水月光中窺寶相廣施甘露灑菩提永超苦海無邊量

贈奇峯上人

慈谿

韓昌祺

豈因吾道轉將南錫杖芒鞋笠獨擔野徑何從尋幻跡  
禪心原自印空潭雲籠草樹枝枝綠日照峯巒點點藍

獅象座前聽說法天香爛熳是優曇

禮補陀訪守拙師

卞董光燁 舉人

翛然宇內恣探奇佛界慈航任所之鳥巖獨標孤刹勝  
皈依共向法王慈崢嶸臺殿輝金碧馥郁香煙結虎螭  
欲叩靜廬何所問巖扉邂逅慰襟期

贈法界上人

高重萃

耶中

無事經年別遠公帝城鐘曉憶西峯爐煙燒盡寒燈晦  
童子開門雪滿松

題海潮寺新賜護國鎮海禪寺額

陳九思

東表神州浸大瀛盤根無地巨鼇擎琳宮又創天開境

普陀山志

卷之十八 詩咏

十六

寶號新頒帝賜名佛火夜懸龍藏曉海靈朝結蜃樓明  
香船萬里飄千葉得渡爭誇彼岸行

題補陀

屠玉衡

孤峯巖鼻帶蒼苔紫竹林端講席開擊鼓馮夷驅浪至  
獻珠龍女挾潮回經繙貝葉聞清梵座擁金蓮結寶臺  
一片空明浩無際遙瞻宮闕近蓬萊

其二

磐陀石上散晴霞金粟林間四照花日落巖前發疎磬  
夜深水際泛孤槎千秋香火真如地萬國梯航大士家  
愧我凡夫遙頂禮欲從蘭若問三車

贈元初上人

聊爾混塵俗超然絕世氛青天飛一錫白氎入孤雲海  
際龍鼉窟山根麋鹿羣名藍留半偈言下了聲聞

贈普光上人

優曇花發定中香衣裏明珠是密藏黃葉止啼都不著  
悟來本地好風光

其二

日落澄波影太清楊枝甘露注磁罍晚來初出那迦定  
一片銀蟾水上明

普陀山寺鼎新住持迴公爰拜左善世之命賦此

普陀山志

卷之十八

詩咏

七

爲贈

周應賓 見前

紺宮峯崒海中開更有東林大辯才祇舍界分成淨土  
昆池劫盡識餘灰鐘聲遠振龍鼉窟幢影高懸日月臺  
何幸聖皇知宿德紫衣降自九重來

贈無邊上人

海上名峯幾度逢久從初地叩高風青山不厭逃禪客  
白社能容嗜酒翁雙樹聽經依鶯嶺一杯持鉢入龍宮  
月明千里潮如砥遙憶維那住海東

贈玉峯上人

性癖從來懶見人掩關不出動經旬科頭亂帙花陰下

慣看庭前燕雀馴

大士題補陀

丁繼嗣

巡撫

天下名山說補陀孤懸海曲傍巖阿雲蒸遶岸龍光躍  
日照層巒屨氣多晴晝幢旛開霧靄清宵鐘磬起鼇鼉  
滄溟地僻人稀到喜共胡僧逐隊過

初到普陀偕奇峯素明上人閱慈雲石次周君衡

其韻

飯心來竇地躡足上慈雲泉溜穿厨入曇香滿院聞縱  
觀蛟蜃窟閒集鳳凰羣何幸逢林遠幽探絕世紛

禮洛迦山大士遍閱諸勝

普陀山志

卷之十八

詩咏

六

日淨齋壇禮上台孤懸絕島殿中開九天龍象擎雲下  
萬里鼇鼉駕海來佛火檀然超色界蓮洋花簇護香臺  
願分一勺澄心水洒遍楊枝度草萊

其二

纔從物外謝冠纓卻向天邊問化城夕照雲穿窺堦影  
夜鈴風遞入松聲僧施香飯天厨淨佛散花燈梵界明  
到處如來親見面何須煉藥跨蓬瀛

其三

大士莊嚴下碧岑巉巖陡絕海濤深煙籠洞扈青蓮濕  
日破林開紫竹陰天女獻花參石竇龍神聽法吼潮音

如何此地皈依切洗濯塵凡不二心

其四

天門紺闕曉蒼蒼金粟恆沙布地黃露頂團瓢僧乞供  
皈心珠履客拈香御函特下龍光護浩劫重開鶴馭翔  
我亦欲離苦海去誰先彼岸渡慈航

遊白華菴爲昱光上人題

證果白華巔超然出世先望空開寶剎枕石聽山泉花  
發傳燈後龍皈說法前吾將掃塵慮對爾共安禪

將歸仍赴昱光精舍偕奇峯素明大願諸上人一

齋而別

前人

普陀山志

卷之十八

詩咏

七

浮玉新開號洛迦禪宮歷歷綴丹霞一山外囑波臣護  
萬象中羅釋子家片石祇林仍竹葉孤雲佛座並蓮花  
此來何幸逢支遁搔首重過興未賒

贈昱光禪人

慈谿 袁茂英 布政

白華山上香雲邏青蓮窩裏高僧坐一鉢能將龍性馴  
隻履不向虎溪過蒼靄平分紫竹陰清幽首壓雙樹林  
幾片天花簷外雪幾陣風鈴松下音栽松種竹知何意  
色空妙相應如是大海波濤只淨銚浩劫乾坤元寸地  
波濤不撼寸池冰長松午夜一龕燈笑撥煙霞進孤影  
五嶽名山踏幾層茫茫下界紅塵苦恒河沙衆不可數

老我香山居士流欲仿茅菴問宗祖

題洛迦

郵邑李樓侍郎

遠關靈山鎮海東參差臺殿出寒空窗臨翠靄晴含雨  
岸撼銀濤夜吼風羈縶自憐留鈍質皈依尚許悟圓通  
霜鐘午夜聲初徹坐看扶桑日擁紅

題洛迦山

徐申乾

鯨波浩渺信無涯帆外名山數洛迦路入天門清梵近  
僧歸石洞碧蘿斜暝霞常映三生石旭日初開四照花  
消盡浮生苦海厄應知功德遍恒沙

其二

普陀山志

卷之十八

詩咏

二十

晨鐘暮鼓度來頻雲隱花宮法界新不但乘危開覺路  
直從據險濟迷津梅灣月碧生寒夜茶島煙清遞曉春  
更聽潮音如梵語千秋湊例渺無垠

補陀十二景

春三

李桐

萬樹梅花開滿灣冥濛春色駐枝間回思翁尉成丹日  
開落隨時待九還

梅灣春曉

山山爭說采香芽撥霧穿雲去路賒製就漫將爐火試  
網緼佳氣遍僧家

茶山夙霧

雀舌龍團總擅名敲冰煮雪滿茶鐺僧家清福看如此  
一縷藍煙竹外生

靜室茶煙

題補陀

陳繼疇

劫後莊嚴古洛迦金錢詔許出官家法輪雙轉三摩地  
龍藏齊頌五色霞靈洞千年仍竹葉香林無處不蓮花  
等心隨順如相許早向門前駕大車

補陀十二景

存四

丹陽

丁鴻陽

吏部主事

扶桑旭日射朝霞春入疎梅瘦影斜一自星龕依雪竇  
只今錯認是曇花

梅灣春曉

珊瑚幾樹傍蓮臺薄靄氤氳鎖不開謾向定中窺色相  
分明龍女獻珠來

茶山夙霧

捲雪春雲自古今澹湖洞口澹禪心聽來悟入無生處

普陀山志

卷之一入 詩咏

三

始信潮音卽梵音

古洞潮音

歷歷雲龕紫竹叢茶烹石鼎火初紅禪關盡日無人到  
一縷茶煙裊碧空

靜室茶煙

送寂菴上人歸補陀

鄞邑

沈泰鴻

尚寶司丞

併屨隨緣上國遊禪心不繫返翁洲青蓮一片依龍藏  
紫竹千竿散屨樓錫響霜鐘空水寂燈懸月增海天秋  
五雲重覩莊嚴相無數煙巒盡點頭

寄題補陀

王嗣爽

舉人

幾回飛目海東頭天水滄茫擁寶洲旭日晴霞金界迴  
長風巨浪紉宮浮雲生磐石空中色月到旃檀象外幽

寄語香巖問耆臘前生曾結淨因不

贈守拙上人

鎮海薛二表

金界旃檀法海身談空說偈驚鬼神亂落天花可守月  
清光一碧照波臣睥睨宇內日悠悠兩眉不挂人間愁  
乘虛飛渡慈航去直欲駕破海天秋貌樸才奢心獨古  
更事殘編任辛苦洛迦筆乘多汗漫第恐名賢久塵土  
青黃紙上盡萬劫浮名安博不朽業優鉢欲比十輪圓  
曇雲滿楮流千葉西陵高士歸此僧遙遙彼岸誰先登  
我亦喜入蓮花社憑將半壁了傳燈

送昱光上人歸南海

蒲州張四岳中書

普階山志

卷之十八 詩咏

三

錫駐長安道言歸小白花一心忘去住雙髻怯塵沙已  
覺浮生對寧辭去路賒慈航應不遠遙望海天霞

贈大智禪師

華亭袁福徵刑部

慧燈西竺發券向海中懸入定渾無相出關覺有緣經  
翻龍淨鉢禪就鶴開筵我適天然趣圓通亦復然

贈翠崖上人

無錫胡淳御史

幾年幽夢此山棲水月禪心愧自迷歸到普陀因問我  
白雲深處海潮西

補陀贈真語應詔入京受賜還山謁子鄂渚兼致

緯真儀部書賦此爲贈

湖廣常居敬巡撫

楫書忽爾破愁顏杖錫何由逗楚關天語向爲龍藏譯  
帝城應許鶴飛還赤霞海色迎宮錦白雪秋吟到鬢斑  
乍覺寒濤江上發丹楓吹遍洛迦山

題補陀

上虞

黃之璧

名山梵剎海東開金作禪宮玉作臺萬點慈雲青雀下  
半空法雨白龍來依微石室窺無相彷彿珠幢見辨才  
誰似神僧杯可渡摩尼自取照蓬萊

潮音洞

通州

盧純學

大海靈山迴龍宮豈易尋萬年垂妙相孤洞啟潮音天  
削峯成玉沙鋪地是金洽洽俱作梵早已滌凡心

普陀山志

卷之十八

詩咏

三

題補陀

武陵

龍膺

戶部郎

洞口曇花夜不昏多羅舍利萬年存魚龍跋浪連林屋  
鐘磬和雲出灌門色界豈知天下大香臺惟見世中尊  
更憐末法誰梁棟爲有生公石可論

題補陀

鄞邑

吳禮嘉

御史

萬里滄茫一寺門慧光千丈擁朝暎孤懸寶相空塵劫  
不斷潮聲到竹根風靜靈旛鯨海晏月籠祇樹蜃樓吞  
登臺長嘯煙雲裏掃却凡塵道自存

禮補陀

董光宏

侍郎

東南澤國中往往饒異迹巨海峙補陀大士下所適俯

瞰天溟池懸厓九千尺當時現法身青蓮大如席龍神  
日來朝洪濤恣噴射滅沒數點煙天盡地無坼波湧山  
勢搖日蒸海氣赤境內萬里舟域外三韓舶乘潮破巨  
浪亂颿互相躑飯德羹異香拱手晉名壁昨年詔使至  
旛幢映巖石真如故無言衆生自奔迫遂令糞滌中今  
古長赫奕西方有聖人東海乃其宅我今飛渡來膜拜  
恍今昔摩挲薜蘿花四望曉天白忽憶生前事廿年此  
面壁

題潮音洞

徐姚 盧元選 進士

靈竅何年著化工嶙峋倒挿水雲中浪花飄瀑晴飛雪

普陀山志

卷之十八 詩咏

三

海月浮光夜現虹石壁雨餘泉出竇旃檀秋老樹吟風  
虔誠欲叩如來面雙鶴盤旋下碧空

寶陀寺

南昌 李應詔 都督

茫茫鷲嶺水雲賒今古莊嚴大士家檻外碧空垂法象  
月明鳥嶼盡蓮花

遊補陀

上虞 徐啟東 主事

夢想名山久因之駕海來潮從天上湧剎向嶼中開金  
粟山爲鉢蓮花水作臺磐陀望三鳥咫尺是蓬萊

題補陀

鄞邑 張邦岱

法界何從覓招提別有方羣峯依日小一水入雲長蹟

以蓮花著林將竹葉藏何時登彼岸側想在慈航  
題補陀 李先嘉

憑虛聊騁望面面荻蘆秋坐據三生石心隨萬里流  
鼉爭出沒日月自沉浮向夕煙氛斂珠光似可求

其二

法界元無著茫茫空水雲鐘聲潮外住佛相鏡中分  
經爲魚龍說人將鸕鶿羣慈航如可借不厭往來勤

題補陀

張邦侗 署丞

海上神州一刹奇珠宮紺殿五雲披雙林祇樹三千界  
絕岸潮聲十二時月白滄溟鼉鼓振風迴大壑梵鐘遲

普陀山志

卷之十八 詩咏

五

波濤浩渺諸天靜幾見游龍覲法師

再游補陀

新安程時望

爲憐淨土出天涯幾度相從泛遠槎龍洞應窺曾到客  
法臺重雨舊時花無邊慧日懸祇樹不盡慈雲接洛迦  
更有寶光金色麗令人滌慮問三車

洛迦山

真邑葉舜臣

驅石連鼉事有不蒼茫天地總輕漚乘潮夜覺星河覆  
破浪時驚日月流百谷龍蛇歸大壑空王香火屬孤洲  
邀僧施食龍歸鉢拄杖看雲蜃結樓老蚌戲珠宵出浪  
文鮑吹霧晝迷舟旁通異域應無數咫尺神山若可游

坐想飛仙乘蹻去行逢老衲借杯浮如來若許親摩頂  
願得誅茅最上頭

題補陀

董大晟

滄溟無際望中舒寶月孤輪匝太虛坐聽鼉更通法鼓  
從看龍女舞靈胥磐陀石上三生偈優鉢羅花四照餘  
到此不知何彼岸經聲天語自如如

潮音洞

新安汪學信大學士

山根盤結水縈迴大士當年說法臺礁滑平波翻雪浪  
巖懸白日起風雷龍從洗鉢洋邊化蓮就然檀定裏開  
紫竹滿林看不見怪來偏向石中栽

普陀山志

卷之十八 詩咏

三

贈遜吾上人

前人

曾將飛錫動天臺一笠雲華自去來欲證金仙親說法  
白華依舊滿山開

題洛迦

歸安施敷同知

海嶠東南障九垓凌空梵宇鏡中開經函萬卷黃金詔  
地迴千重白玉臺疎磬清音超彼岸禪林明月照如來  
莊嚴寶藏咸瞻仰振古乾坤一壯哉

海門望補陀

鎮海薛三才尚書

大界名山盡道場獨看祇樹接扶桑轆轤萬劫留香火  
龍象雙馴護法藏餅水逆添潮汐上爐煙散入海雲蒼

蛟門直望天門迴幾度迷津問去航

和家兄寄題補陀

薛三省

尚書

磬陀咫尺幾時攀  
悄悄天臨闔闔間  
日濯琉璃明十界  
水含宮殿動三山  
蓮花隱現搖波白  
竹葉參差著石斑  
莫道莊嚴消息遠  
月明滄海聽潺湲

潮音洞

陳王賓

層巒迴曲徑石竅瞰長虹  
大士棲霞所龍神聽法宮  
水梳瑤草滑風掃白雲空  
悟入三摩地蕭然興味同

寄題補陀

鄞邑李垓

目極補陀勝名山大海東  
歲時千里客來徃一帆風波

普陀山志

卷之十八

詩咏

三

湧金蓮界林依紫竹叢  
何緣謝塵網膜拜與僧同

題補陀

屠大諒

曉日射珠林清光映遠岑  
寶旛雲外落石磬雨中沉  
琪樹參禪觀迎陵語梵音  
金容如可見灑灑遍甘霖

禮補陀

鄞邑周應宸

一刹中懸積水間依然法寶護慈顏  
已聞地籟潮生浦  
若墜天花春滿山  
佛以應權多著相  
僧因領衆不成關  
爲儒未許皈依甚  
捨得齋錢亦自慳

遊靜室

前人

大觀知不極小築愜幽情  
石怪多題字僧深不識名  
依

山茅徑仄到處竹泉清祇是供隨喜新茶煮石鐺

登補陀

屠大誼

一望蒼茫遠樹連羣山羅列寺門前紅蓮冉冉生香海  
紫竹離離遶梵筵天女散花參聖諦應真渡筏叩元詮  
慈航一一資龍藏稽首金仙了俗緣

題補陀

柴懋賢

大壑深林知幾重沈沈紺殿瑞煙濃衆香縹緲搏華蓋  
七寶莊嚴捧聖容風動繡旛看舞鳳雲生畫棟欲飛龍  
徘徊忽上千峯月海印光寒起暮鐘

遊補陀

鎮海 邵鳳來 照磨

普陀山志

卷之十八

詩咏

三

好將大海濯塵埃刹孤當寥廓開翠岫薜蘿清色界  
碧天水月淨樓臺夜光破暝旭初上晴雨飛空龍欲來  
妬殺名山僧占盡閒敲鐘磬在雲隈

題洛迦

崇仁 吳學周 知縣

水雲千頃極蒼茫島嶼平吞日月光紫籜扶疎開竹色  
紅衣掩映發蓮香欲參大士真空偈好泛如來般若航  
見說九重頒象教恩波早晚遍遐荒

題補陀

華亭 黃正達 教諭

萬里蒼茫蜃色開琳宮寶殿鬱崔嵬夜寒風雨龍聽法  
日落波濤僧渡杯大海總名功德水法身元是妙明臺

望中直接蓬萊境盡向楊枝灑處來

遊補陀

邵輔忠 見前

洛伽巖外水悠悠大士蓮臺自一洲佛火三摩傳不夜  
鐘聲萬里徹清秋天澄虛白遙連壑山淨空青下滿樓  
剩得禪心同澆蕩那知消息問泥牛

題十二景 存四

前 人

幾樹疎梅倚石斜問梅開落屬誰家東風昨夜頻吹到  
也作如來小白華

梅濤春曉

菩提那不是蓮花雷莢雲林長露芽山氣誰啼晴不散

半籠祇樹半籠茶

茶山風霧

普陀山志

卷之十八

詩咏

五

削壁懸崖作海門波濤萬疊恍鯨吞上方諸品都空寂

水石聲聞亦不喧

古洞潮音

入定頭陀不下龕老松修竹閉茅菴山童汲水烹山茗

只見煙飛併作嵐

靜室茶煙

遊補陀

鎮海 邵輔明

澤國煙霞駐聖靈六鼇駕出破滄溟山頭晴雪半涵白  
水面寒波長送青雲擁祇林凝蜃氣香飄佛殿散龍腥  
總知極樂西方界萬頃銀濤一淨鯨

題洛迦

劉堯賓

知縣

龍宮蛟室雪濤堆併是空王梵宇開淨色青山塵不著

寒光白夜日先來  
蓮洋人渡蓮爲荷  
雲水僧居雲作臺  
到岸了無機事事  
沙鷗慣熟也忘猜

題洛迦

周俊元

突兀千峯望不留  
梵宮迴與白雲浮  
靈鷲駕日光先到  
古洞吞潮響暗流  
夜半疎鐘清帶梵  
天中空水碧澄秋  
莫言苦海無涯際  
彼岸分明在上頭

題補陀

王世仁

正法宏慈遍九垓  
道場遙向海中開  
波光日色金銀界  
松響濤聲晝夜雷  
貝葉繙時禪幌靜  
天花飛處慧香來  
須知色相原無著  
水上青蓮是法臺

普陀山志

卷之十八 詩咏

三

題洛伽

劉廷璿

妙覺眞如啟法藏  
祇園珠樹映扶桑  
滄溟四望鋪晴練  
燈火諸天燦夜光  
人到名山知佛國  
誰從碧海渡慈航  
一聲鐘磬空雲水  
九品蓮開萬斛香

遊補陀

郵邑 金 鏗

須彌山頂住諸天  
佛掌如何現大千  
海影盡含空外色  
潮音不雜定中禪  
金沙灘上僧歸月  
紫竹林間鳥破煙  
只辨直心皈大道  
無煩寶筏渡迷川

再守茲土重登補陀

台州 劉炳文 參將

浪遊兩度謁山靈  
風景依然一望青  
古寺潮音聽落月

深林竹色隱疎星泥封彩絢丹紗鼎屈氣香浮大士經  
說法夜闌人未倦可知東海絕聞腥

遊補陀

漳浦朱一鶚知縣

西教至自龍象國東方隱此龜鼉窟峯巒一點青螺浮  
沙堤千步黃金築紫竹林開小白華秋風處處優曇誇  
煙霞別是人間世水月孤懸大士家臺殿風高響鈴鐸  
淵靜魚龍聽說法宮使傳經雲錦張山僧揮塵天花落  
自慚身是宰官身回首空憐車馬塵爲仰慈靈參大士  
一泛仙槎牛女津

題補陀

江陵樊王家知縣

普陀山志

卷之十八 詩咏

三

寶刹靈空路轉深洪濤春雪見叢林波光倒影窺明鏡  
晚籟含風響暗琴寂寂香雲成法界離離紫竹是禪心  
名山應有神靈護龍氣長吹落日陰

遊補陀

鎮海李一鳴指揮使

大道元無我浮生委此形容來秋結社僧過夜譚經虛  
室月生白空庭雨送青憐余櫻世網寧不愧山靈

題補陀

鄞邑周應治憲副

一上天門望不窮諸天縹緲有無中團瓢寂歷懸危磴  
伽室參差嵌碧櫳巒巒松濤清梵唄千霄鐸影露眞風  
獨憐臺上磐陀石花雨紛飛散遠空

遊補陀

宜興何士晉都諫

琳宮絕壑駕靈鼉萬里煙光擁黛螺乾闥忽傳天樂細  
迦陵時送鳥聲和御函別啟新蓮藏浩劫重開舊寶陀  
水月觀中龍子出旃檀林內雁王過潮音作梵山齊吼  
野衲棲巖雲滿窩玉筍點斑留片石金沙足練護恒河  
莫言島嶼津梁少翻覺風濤世路多兩度祝釐登彼岸  
壬寅癸卯歲  
余會兩到願言千載不揚波

咏浴伽

鎮海薛三台舉人

孤插滄溟小白華煙濤千步湧金沙雪衣大士元常現  
雲頂高僧別是家翠竹嫩滋山寺雨紅蓮艷奪海天霞  
普陀山志 卷之十八 詩咏 三

由來一葦堪航地莫道茫茫未有涯

朝陽菴

上虞徐如翰意詩

樹密徑幽深禪房春晝陰斷雲寒宿檻流水靜穿林僧  
說前朝事人多象外心翻悲出門去鐘磬有餘音

雨中尋普陀諸勝

緣巖度壑各擔簦翠合奇環賞不勝竹內鳴泉傳梵語  
松間剩海露金繩山當曲處皆藏寺路欲窮時又遇僧  
更笑呼童扶兩腋颯風直上最高層

遊白華贈朗徹禪師

幾轉層楹倚翠微目規心構出天機碧垣曲曲藏幽徑

紫竹陰陰護短扉林罅海光遙入座窗前花影故侵衣  
懸知一覺禪床夢又聽潮聲去復歸

別朗公後阻風蓮華洋却寄

欲擬君爲詩慧休休公未必解禪修生成鶴骨癯而秀  
構得蝸廬巧更幽松塵玉霏寒草座石床花雨泛茶甌  
轉隣十載睽違事故仗天風滯去舟

潮音洞

羣公共禮潮音洞莫作潮音洞口詩縱有繡腸描不出  
直須絕倒叫神奇

望海十二韻

普陀山志

卷之十八

詩咏

三

目力有時極水光何處窮但知川谷往誰識尾閭終曉  
氣惟占旭濤聲不借風舟行無里道帆挂任西東忽過  
夷王島還浮龍女宮亂雲疑列嶼孤鳥指驚篷世界空  
明盡神洲杳靄同長看明鏡迴俛爾怒霆雄環怪紛難  
紀昏朝望轉蒙量包乾輿外脈入地維中河伯宜長歎  
天潢自有宗聖朝波不溢佛國路常通

育恩院山石奇勝當爲普陀諸靜室之冠漫成十

二韻

前人

山勝皆藏石石奇各肖形地當幽絕處寺露半開高小  
檻援飛霧閒窗瞰落星曲階苔細細危竇水泠泠竹罅

斜通白雲標別染青密陰時護徑麗影欲充庭挹海懸  
雙鏡開山問五丁漸疑霞作屋翻訝薛爲屏坐卧俱成  
適攀躋覺有靈穉僧能咒鉢仙子解談經時有一小沙  
咒而定海楊冠軍以扶鸞  
術召晉祖談佛法頗妙面壁宜深定鑄題各辨銘石  
刻勸其  
康故云最憐齋報午粳粒笋芽馨

贈昱光禪師

珠璣張可大參將

不識青蓮界山花白幾叢松關窺澹月竹逕逗微風人  
語龍天外僧歸屨市中支公譚小品趺坐意何窮

題普陀

前人

海雲面面護禪宮屹立中流砥柱雄巨石有靈疑說法

普陀山志

卷之十八 詩咏

三

洪鐘無碍只隨風寒潮作梵連松韻明月和香透竹叢  
白鶴下來秋色靜支公元度此心同

其二

精廬彷彿類天宮紫竹青蓮屨市中客以乘槎遊汗漫  
僧從卓錫住虛空盤雲怪石疑將墜噴雪潮音只自雄  
水月任教觀自在松窗半偈釋塵籠

其三

萬里濤聲繞翠微松門蘿幌到人稀龍鼉隱見珠林寂  
龍象經行佛日輝紫竹已同羣木秀白鷗猶帶晚潮飛  
梅山倘寄長生藥欲向滄浪問息機

贈無邊禪師

鎮南王元翰

給諫

卓錫名山截愛河，結菴猶自傍磐陀。  
遠公捷徑開蓮社，陶令靈心中酒魔。  
紫竹林中原有相，白洋海上近無波。  
爐煙茗椀盤桓處，領畧無生法已多。

大汎閱師海上還

登洛迦有作

慈谿

裴兆錦

參將

天險東南此一山，重將龍象護雄關。  
自懸慧日臨千島，不盡恩波到百巒。  
暫偃牙旗看奕罷，偶過竹院聽鐘還。  
細思銅柱題名客，何似輕鷗翠靄間。

先大夫交武奇才始官別駕平流寇有功以邊才擢至總戎載勛史冊崇祀鄉賢其參戎寧紹則明崇禎辛巳也此詩向載舟山志藝文丙今改入普陀物換星移捧讀遺吟不勝泫然戊寅孫璉敬識

普陀山志

卷之十八 詩咏

三

補陀十二詠 存三

鄞邑陳朝輔

侍御

誰將磐石柱晴空，仙界虛明一線通。  
初日未離滄海底，翠微千丈已先紅。  
磐陀曉日

慧日澄圓覺海中，白蓮香滿獻花風。  
何人不道天香杳，已自樓船面面通。  
蓮洋午渡

幽壑沉沉春色回，虛堂陰雨長莓苔。  
新煙數縷穿雲竇，石鼎茶香客遠來。  
靜室茶煙

寓普陀次沈彤菴韻

武進

吳鍾繼

尚書

懷闕亭虛已劫灰，御書猶向海天開。  
長明佛日古今在，如是潮音子午來。  
大士化身無住地，子真遺世尚留臺。

太平香火當年盛離亂禪樓半草萊

其二

萬壑松濤入夜寒冷泠非復世情看隨綠竹裏逢開士  
說法詩中現宰官歸潔幸於塵界遠逃虛敢謂考槃寬  
維摩丈室堪休歇不願遊仙駕彩鸞曾莫問報長心  
蕭條無事小年過隨意經行聽法螺山靜地偏人境隔  
林深僧少鹿場多雲封古洞飛仙蝠潮落平沙見石壘  
對境寂然忘故我一時脫却舊來窠

普陀山志

卷之十八 詩咏

美

八年於外未歸入此日興懷倍苦辛君國莫支成舊恨  
僧寮偶寄是前因深深林壑同踪少遠遠罇罍入眼新  
不比尋常往來事只今同患覺情親  
寓白華菴生辰意  
蓬萊縹緲幾人探欲問長生有貝函最上大根堪付法  
是中深趣且抽簪巢由遁世山之北管葛匡時斗以南  
海外餘年殊自愧可容永日伴優曇

重修南海普陀山志卷之十八終

重修南海普陀山志卷之十九

王鼎勳青甫參定

江蘇金陵 秦耀曾遠亭編輯

普濟寺住持能崙鴻崑校訂

國朝詩詠

恭紀普陀盛事卻寄 宛平 王熙 大學士

紺殿南溟古朱提北闕新 一人開有慶萬劫永無塵

望笈迷前路題詩記夙因願將清淨水遍灑入荒春

遺孫德倣進香普陀有賦 崑山 徐乾學 尚書

南海吾聞說北堂爾侍行有波皆靖晏無地不昇平

普陀山志 卷之十九 詩咏 一

字雲霄出丹芝島巽生寄聲今慧遠白社俟題名

登南天門題山海大觀于石上有賦 藍天理 見前

東西門既列午闕可無開海不揚波地山徧盡日雷鐘

鳴刁斗靜帆動象龜來何必燕然石始稱漢將才

遊洛迦山 施世驃 見前

洛伽幽勝迴浮埃公暇探奇鼓棹來萬國風行鯨浪息

千巖雲歛寶幢開勞生跡愧崩林地入世心澄般若臺

最喜磐陀梯絕頂滄波東去望蓬萊

訪潮音和尚王荆公登洛迦山原韻

幾年菩薩地重見道場開法向海南說名看日下來佛  
緣隨願滿鄉夢自春回師為同郡人便作潮音禮心知絕點  
埃

白華菴贈耆英大師

師住名山六十年化城幾度見滄田白蓮花發重樓定  
紫竹林深又結禪萬斛潮音香界落一龕佛火海天懸  
前身我亦為居士丈室長期證法緣

宿白華菴贈剖疑禪師

前人

白華巖下法堂開白玉為階絕點埃自關門庭成祖席

普陀山志

卷之十九 詩咏

二

天留水月禮香臺生前見佛無他路劫後談空有辯才  
風雪一燈春睡好枕頭又聽子潮催

洛伽洪澤上人以法雨寺殿工告成來京別公有

書候余作詩答之

姜宸英

見前

後寺吾曾到前蹤未可期重開金剎地來報玉皇知去  
影惟留拂隨身不挂絲欲憑書問訊擬議竟何辭

贈潮音和尚

一從得記歸山寺手種青松百尺長臺下猿啼辭法杖  
鉢中龍起護慈航重開劫地鋪金剎盡咒波宮作道場  
不信請君池上看蓮花池外已無洋

都門寄別公和尚時從金陵募修大殿隨以殿材

航海歸故及之

前人

養得如如不動心偶然行脚出空林聞風競拜彌天釋  
渡海爭傳布地金高下山林朱勝字去來潮響貝多音  
嗟余五宿禪宮夜問法安知法淺深

送潮公和尚還山

漳浦趙炎

身為南海主錫向五茸飛世態看常幻名山跡可依賜  
金光梵剎留玉重禪扉師去空遙禮來潮信不稀

送通元上人還山

婁縣周志伊

蓮社曾經十載同錫飛忽復向春風自言舊院今無主

普陀山志

卷之十九 詩咏

三

不道東林可少公海水有期安一葦嶺雲無恙坦孤樓  
他時欲覓梅岑路為寄潮音到九峯

寄潮音和尚

范不煒 見前

到來知寺古別久覺情新石點無邊岸花開不盡春著  
經忘已倦飛錫許相親為有生公在殷勤憶故人

贈別菴和尚

紹興呂鑛烈

一覺宗風振海東安禪龍窟梵王宮錫飛鶯嶺天花落  
春暖峩嶙山雪融復渡慈航瞻大士重來聽法說生公  
望洋開示迷津路歸棹雲門彼岸通

憶普陀寄潮公

會稽陶式玉 柱史



丹井

丹竈無存汞已灰一泓泉水碧山隈須知當日乘槎意  
不為求仙海上來

咏普陀 十首存二

七和盧琦學士侍郎

不挂西來百衲衣寶冠瓔珞啟朱扉宮中萬古飯依地

六月祠宮海上飛

其二

葛井梅岑蹟較奇吳門勾漏隱何時磐陀石上三生語  
蝴蝶莊周兩不如

觀普陀山圖

丹徒張思默舉人

普陀山志

卷之十九 詩咏

五

大士慈悲可衆心及時重拓古禪林南朝銅瓦千年物  
不覆臨春蓋梵音

其二

函香使者到名山僧自倉忙佛自閒歸報精藍全整頓  
更圖仙景悅天顏

法華洞

漳浦洪陳斌游擊

遊山須選峯峯峯必造極試問何處佳法華最奇特開  
豁發精神幽邃引胸臆上下巧穿插東西任眺陟高瞰  
不疑危深入鮮僻仄徑多曲而通泉香深且湜老樹蔭  
蘿扶于株絕荆棘小閣懸無脚孤亭俯垂翼欲雨見雲

根侵晨收旭色我擬作斯圖世無妙筆墨頗疑混沌初  
鬼工肆深刻

梅菴

神仙有窟宅浮槎訪遺蹟胸次懷高風到來乘暇隙鳥  
道薜蘿間逶迤幾千尺林端出清光隱隱露屋脊披襟  
坐樹根望之意甚適少憇精廬傍侶坐煉丹石古仙不  
度人老僧不揖客取紙書語言聊為聾者譯盆石起千  
峯茶煙幻五色奇事與奇觀良可資談劇卻憶浩然亭  
梅菴從此易

晤湖公

前

普陀山志

卷之十九

詩咏

六

君堪方外友我豈世中情舊詠挑燈讀新茶接雨烹因  
閒分佛火不寐理濤聲殿閣雷門鼓賢愚共一驚

修山志有感

陳璿

久矣私心與佛期百年面目竟如斯羈棲窮海難言健  
嚮徃名山儘覺遲書局但邀僧作伴騷壇差喜客相隨  
先生絕似開堂老說法還應念此時

都門贈繹堂和尚

用唐人韻

邵基

見前

仰止吾師定慧空應身南海闡宗風袈裟恩向九重上  
道德光華六字中鶻翁雲生鋪地錦扶桑日湧經霞紅

室箴寤寐情方切未行

寄贈珂月上人

新城王士禎尚書

少日涉江海老去思名山天南小白花乃在洪濤間大  
雲渺難卽流水空潺潺翠華駐湖心香使相追攀維時  
對至尊師意何其閒晤言悵無隙食頃分吳關從茲  
寄遐蹤杖屨安所還

登普陀

鄞邑施兆鳳外翰

洛迦遙對海門浮萬里煙波一望收絕壁列天分日本  
長空扶月下琉球蒼茫蜃氣晴疑雨浙瀝寒聲夏亦秋  
乘興相尋往古蹟卻忘歸約渡頭舟

咏普陀志事

無錫黃大蘇通判

普陀山志

卷之十九 詩咏

七

我有丹崖水月詞聞君近賦洛迦詩倘逢開士須傳意  
莫認鴉湖是講師

送別公和尚歸補陀

繡水王槩

長汀本豐頤東山復廣顙旣稱天人師自薄衰老像壯  
齒樹風標四衆益皈嚮吾師毓西川奇姿得天貺承法  
當英年窮源及漭泱上宗徑山杲遠祖南嶽讓派延一  
綫宏心企千禩上徑山大慧禪師得法徒九十四人俱  
數傳而止惟懶菴一派賴以流傳至  
公大振放足來東南探奇問台蕩迢迢洛迦山福地何蕭  
爽駐錫愜羣情水月副心賞浩渺蓮花洋是爲真供養  
况復巖洞間時有金光晃草木紛靈踪心地愈開朗先

是殿楹燬觸目徧榛莽龍象無復存但有印石掌每每  
捕魚人巡行憶悽愴師至山不空興復道緣廣鑄像來  
江南兼金錫內帑師亦急乘機不惜雙葛屨盛暑履清  
溪首先問吾黨欣然過湖村披裘慰宿想禪度實澄泓  
禪韻復無兩爲擬秋氣深追隨入茅蔣策杖穿霜林臨  
屋發清響今忽理歸舟荷花插雙槳別我還山中使我  
神徼恍裁素愛名山相期身獨往載月泛海槎聞鐘扣  
方丈作記續長卿題名近齋榻遂茲海外遊庶解塵俗  
鞅今先送師歸預爲設書幌無愁唱論多搗紙裕魚網

達磨峯

華亭吳騏驎

普陀山志

卷之十九 詩咏

八

蕭梁臺殿草茸茸面壁親傳少室宗隻履西歸無覓處  
惟留明月照孤峯

磐陀石

見說磐陀著地靈普門曾此坐談經二龜何事翻成石  
想是當年不解聽

潮音洞

燧 見前

層岡如欲渡臨虛凝負鼇崖洞深不測曲折藏波濤相  
傳觀音現恐是蛟龍巢地底鳴空雷晝夜風怒號複島  
走相向延亘環週遭憑臨不敢窺激浪湔衣袍海潮駕  
羣峯顧盼引興豪孤立當秋風俯仰宇宙高

梅岑

子真隱吳市湖爲在海涯豈慕巖谷幽與佛成一家梅  
岑畱遺蹟高迴凌青霞我來當三月瀟林杜鵑花披襟  
一長望海濤浴浮槎三山如可到蓬萊路不賒稚川晚  
得道豈真在丹砂一令復一尉起然不可階

賦十梵音洞

試進

孫

補陀山左漕壑深懸崖拍浪寄嶽嶽歷級下上四五折  
手捫足蹙時驚心水石搏激無晝夜不斷轟雷成古今  
何年參岑兩壁分日暮風雨蛟龍吟洞門直下百千尺  
望之杳杳生寒陰霞光倏眼照石壁俯首瞥見觀世音  
普陀山志

卷之十九 詩咏

九

石欄匍伏歎靈異儀容端靜披紅襟有時鸚鵡鳴洞口  
視之未久無追尋

磐陀石

前人

洛伽三百里巨石不可數毫陀獨標異其以神佛故方  
廣十餘丈崖巔誰輦附念彼觀音力黃金可地布說法  
驚波濤兩龜鼉相赴至今巖石上昂首吐煙霧聽法豈  
無人水族反得度千載留磐石令人屢迴顧

遊普陀

王大捷

入山忘凡想雲水自幽靜孤嶂有餘好廻巒互掩映上  
是大士堂下是芳草徑深颺奇采洞古發清磬疑非

人間世客心與禪定

過普陀

徐州張彪

一抹疎林感素秋蓮花洋盡見經樓金銀宮闕三山景  
烏鵲帆檣萬里流徐市至今居遠與衛溫自昔到夷洲  
求仙不遂還求佛稽首慈雲豈浪遊

過普陀

褚國柱

蕭寺天開浩渺中偶來乘輿訪支公千重古樹和雲碧  
萬派秋濤浴日紅峭壁迴時流急湍幽宮深處掛殘虹  
棲遲野鳥閒舒卷疑似山頭趁晚風

遊普陀

晉江黃洽

普陀山志

卷之十九

詩咏

十

大士橋邊月流光萬里餘連天增浩瀚匝地托空虛軍  
吹嚴荒戍神燈下佛廬夜寒投止宿禪榻有儒書

登梅岑

吳瞻泰

春雲天地綠灌木落寒峭何圖入海南子真領其要鹿  
裘念一夫幽棲有同調嘗聞三神山方士久不報靈砂  
得真鉛眼底燒丹竈茶寮植鐵蕉安榴楨照耀異境除  
塵纓禽鳴宛先導淙淙疏清泉海月動微嘯

贈潮公和尚

平湖陸光曙

鷲峯飛錫駐南天高唱宗風海國傳春到梅花拈雪後  
雨餘栢子蔭庭前光明藏與千波湧殺活機分一劍懸

愧我儒冠忘歲月出鷺消息尚茫然

香爐翠靄

富沙 方曰璉 明府

絕巘天花落紫檀霏煙雨罩闌干鼎中火候誰人識  
一段幽香勝麝蘭

梵音洞

方允猷 明府

想像如來極目希梵音靈洞得稀微水簾半捲黃金面  
寶蓋深籠翠柳衣潮鼓盡成仙鼓樂山光俱是佛光輝  
忽然一陣香風起疑見雪花鸚鵡飛

天中節集法堂

汪士鋹

扶疎廣砌海榴紅法雨天花散碧空佛國莊嚴超世外

普陀山志

卷之十九 詩咏

十一

仙家遊戲越寰中人來優鉢青蓮上地是扶桑弱水東  
莫道釣鼈星漢客白華新署老漁翁

潮音洞

慈谿 張 豐

水勢奔騰峭壁開半空雪浪似鳴雷相傳大士從中現  
一日天花散幾回

復遊普陀

鎮海 謝萬欽

勝地從來不倦遊尋幽依舊過林邱老僧前度曾相識  
茅屋今朝復小留風捲波濤聲疊壯天開石墖影層浮  
生平愧我多飄泊長嘯何時學隱流

潮音洞

裴 璉 見前

巨靈劈奇石岸海豁深洞中廣如室房其顛裂罅縫下  
窺宵以深勇者生奇恐怒濤澎湃來狂飈善激送一觸  
迅雷轟再觸鉅鐘從天地殊晦冥林樾相震動巨浪條  
吐吞盈涸在操縱來驚瀑布飛廻駭明珠弄誰擊冰壺  
碎瓊瑤錯萬種當其疾怒時下拒乃上湧乘竅迅躍騰  
灑面成霧淞不知濤作雨驚身墜崖空造化工幻戲神  
聖假示衆哀哉洞口人何時醒塵夢

贈西堂自修大師

儒門與禪庭久衰誰能起初意中有入十年不屈指修  
公獲我心孤雲湛秋水夫我何爲者雙瞳絕纖滓素胸

普陀山志

卷之十九

詩咏

七

原已拓茲遊良益美崇岡小振衣洪濤試洗耳沈寥無  
一物坦然受妙理道林靡靡談慧遠遙遙旨圓處旣無  
際虛中實所倚不必熟楞伽但覺寸心喜數見不妨鮮  
剪燭寢可已但愁秋風高吹帆出蓮渚久要良不忘于  
峯詎隔紙努力相仔肩大道無彼此

隱秀菴贈舜衷上人

幽谷精藍滿行行隱秀遙林深能做雨峯轉不聞潮頑  
石生公點

菴後有點頭石相傳亦以大士說法也

丹泉仙尉招到來塵路

絕清思對團瓢

過在璿禪師新構伴山精舍有贈

嫌塵蕭寺未全除更向濤端小卜居得我性情爲好友  
留山面目是精廬茗新爐舊香偏和花潔泉清味有餘  
事事對君人世外浮生半日卽非虛

青玉澗與別公小憇

一澗泠泠徹底清鏡人心影得嘉名誰言觀海難爲水  
雨後飛泉十丈羸

梅岑仙井

前人

壽春仙尉早忘家避地終浮海外槎一斛澄波羸萬頃  
至今猶宿漢煙霞

寄潮音和尚

仁和高輿

普陀山志

卷之十九 詩咏

三

海湧孤峯古刹幽晨昏鐘磬震經樓法門龍象推尊宿  
獅座宣揚石點頭

宿隱秀菴贈旣賢師

鄞邑李文斗

每憶清談支遁如十年錫飴子雲居一從天外浮金鉢  
競說山中禮玉書海若聞鐘濤不怒庭前留樹月偏疎  
出藍更有多才譽賜紫應同萬歷初

梵音洞

天都吳菘

山水多奇綠况復挾勝侶磴道尋梵音上下身偃僂夾  
壁自摩天未關五丁斧憑欄皆然深滄海一壑貯雪噴  
萬古雷簾捲四時雨掀髯一老人白晢半可覩倏忽妙

色相莊嚴手揮塵冉冉下金身觀者蓋如堵長干湧浮  
圖瑞靄千絲縷自謂最靈貺對此難比數浩蕩愜幽懷  
翰飛出塵宇

潮音洞

劉邑李 墩

兩日得追隨遊子怯脚力徘徊不敢前僕夫請少息人  
生名勝區一失難再得攝衣直前行不覺重嶺陟風逼  
萬樹斜沙鬆雙屨沒潮音倏入眼使我肅胸臆我思清  
淨根心契無相色見者固渺茫傳者復逆億天窗洞頂  
開紫竹壁間匿潮頭激丈餘旣揚還復抑上湧山頭傾  
下湧山脚拭龍神數千丈來去生羽翼聽言方擬議暮

普陀山志

卷之十九 詩咏

十四

鐘喧耳側急歸恐遁亡奚童呈筆墨

由法雨寺至梵音洞

入山愛早涼飯罷不敢坐逐隊將緩行跋兮嗟無奈狂  
風推竹兜送我山頭過雪浪噴危崖一個復一箇色令  
吾目眩響使吾心怖蕭蕭竹木聲况復與之和梵音海  
口懸兩岸淺不大壁陟戰老身足行以手佐我欲與佛  
言早久人盡餓甘露作甘霖我頭磕宜破

晤潮公

八年飛錫憶招提一笑相迎慰渴飢喜有法幢隨五鹿  
豈無妙偈聽雙龜煙霞語出天工巧蔬筍風除佛地奇

太白當時會索句兩人猶未長鬚眉

別別公和尚

前八

萬里西來一錫飛擬將詩句鬪禪機也知病在難言別  
卻爲樽空便欲歸千尺洛迦依道德九州士女走光輝  
從今海道渾無礙再撲荷香侍石磯

遊洛迦山

涪陵何洪先

昨夢佛菩薩小白華打坐朝朝風信阻悶悶其何奈不  
趁此時遊光陰徒錯過夜來駭浪息漁舟呼兩個心誠  
二人同風順一帆播須臾登彼岸歡喜同聲和洛迦比  
峩眉孰小而孰大普賢與觀音誰輔而誰佐大士能救  
普陀山志

卷之十九 詩咏

五

苦衆生樂附和自從皈依後塵勞都覩破

大風登磐陀石

前八

風起日當午振衣石上坐心搖石似動肅然亦無奈南  
溟幾萬里瞬息乘風過能泯恐懼心舍佛無別個百千  
萬億身聲名洋溢播一聲南無佛此倡而彼和磐陀一  
拳石看來如許大說法度衆生裁成兼輔佐人溺如己  
溺人餓如己餓千古菩薩心聖賢久說破

法華洞

鄞邑張超宗

雨晴春色滿巖前散步尋幽小洞天忽訝山空通碧磻  
旋經石室接清泉昌黎只解稱盤谷摩詰徒能畫輞川

試問法華如可借便須從此謝塵緣

正趣亭舊名坐坐亭

前人

孤亭坐坐夕陽斜百折千重路轉賒山鳥似知來客意  
連聲啼上杜鵑花

真良贈潮公和尚  
慈終馮潤鏗題

海國清寧日吾師道廣時名山需再造法雨望重施卓  
錫天龍護譚經山鳥窺旛幢輝麗日魚磬徹香帷

千迭法雨寺晚眺  
見前

暮色起北山青靄含萬樹三峯接霄漢蒼茫墜煙霧繚  
繞澗壑雲悠然自來去危石松頂懸徬徨屢驚顧何年

普陀山志

卷之十九 詩咏

六

梅子真采藥於此住

月中走千步

千步堪留月祥光散碧霞遠看金布地近泛浪成花水

氣雲飛絮波聲雷駕車慈航如可渡此夜擬乘槎

普陀夜月聞潮  
彭城徐益哲別駕

真見蓮華捧世尊初從汎海出蛟門陰晴不斷驅龍睽

潮汐時驚白馬奔霜冷氣涵天盡濕山搖浪湧地無根

葛仙梅尉皆堪訪別有蓬萊豈足論

梅岑菴懷古

朱謹

入吳爲健卒泛游作仙人抱節游于世隨方寄此身大

丹烹日月小隱答君親留得崖前水涓涓蓄萬春

寓仁德堂

暮年猶踏海至此未還家夢過如飄葉春殘又落花客  
心憎筆視儒業羨袈裟何似山頭石無情閱歲華

寓白華菴贈耆長老

前人

妙諦宣揚日曼陀墜曉空至今巖石畔猶有落花風地  
近西南麓門開紺碧叢景光收不盡天縱爾禪翁

其二

訪古意何極還窺真歇泉甃池涵遠脈見水憶真禪人  
立高雲下山橫旭日邊宗風多後起一勺是心傳

普陀山志

卷之十九 詩咏

七

庚寅臘月有征海之役維舟普陀重晤在璿禪師

喜而賦贈

廣寧 馬三奇 將軍

長憶名藍迴絕塵重來猶見素心人山中忘却金戈鬧  
座上時聞玉屑醇家在閩南同此海燈傳臨濟接前津  
憑君細數當年事兩世相逢有夙因

征海重過普陀適珂月和尙出吳門迎請龍藏懷

舊留贈

前人

歷盡青螺海上山顛風怒浪未曾閒祇知舟與江南遠  
不信人從浙水還靈壑昔曾瞻大士遙天今復叩禪關  
一杯誰料雲光渡舊雨新晴付白鷗

以寧郡桃花渡關夫子廟拾充普陀下院志喜

屠宗義

孔道當利涉往來畏雨風先公崇聖祀廣接未歸筇日  
久星物換臺殿多蒙茸今幸充禪舍適觀締造功舟航  
迎戶牖晤對多奇雄寶所懷杯渡香厨出晚鐘勞者憇  
衽席趨者有景從桃浪生片片江湖流溶溶假手承先  
志所在皆旃幪今昔不殊轍光裕垂無窮

渡海祝釐行

勞之辨

見前

天子萬壽六十一元辰初轉扶桑日福嚴邑號古道場  
夙戒清齋願未畢龍鍾欲作海上行特涓春仲中旬

普陀山志

卷之十九

詩咏

六

吉錢塘東去越山川坐盡江船上海船生平最怯世  
途險履道坦坦愁迤邐今朝翻入風波裏身心俱泰  
憂虞捐一過蛟門勢渺茫吞吐日月涵萬象金鉢孟  
山小似拳蓮花漾水平於掌稽首慈雲佑

聖人躋世唐虞風擊壤民安物阜億萬年少者以生老  
者養片帆往返六朝昏衰頽眠食叨無恙歸來老友  
酒相祝詫余勇超賁與育豈知海水不揚波總仗我  
皇凝弗祿憶昔樵關在畿輔天津橋下兩直沽繼司文  
枋臨齊魯蓬萊蜃氣占有無最後移官五羊郡島夷  
厥貢惟明珠海號有四歷其三宦遊少壯成老夫天

涯鴻爪誰復記東西南北隨所至林下于今又六年  
烏榜籃輿當文駟此行徧狎大海瀾較昔望洋眼更  
寬乘風倚柁發長嘯莫作星槎奉使看

題塞北 召見圖

有序

歲癸巳春

皇上六十萬壽普濟寺珂月和尙並法雨別菴和尚祝  
聖入都同時被 召真千秋榮遇二師各繪一圖藏於  
山寺奉爲世寶余信宿息未菴瀕行珂公囑題率筆  
應教兼以質之別菴云

昔在西臺耻緘默抗疏曾經出塞北千盤烏道萬株

普陀山志

卷之十九 詩咏

十五

松口上雄關最奇特觸暑兼程到熱河宮門未啟夜  
如何晨朝才把封事達 帝眷愚忠異數多金盤玉  
椀撤 御膳更 賜鮮鱗從別院微臣捧出拜恩歸  
光輝道路人爭羨電光石火幾何時旋賦孤雲歸鳥  
詩山川宮闕猶能記惜無顧陸手圖之一披此卷意  
倘悅昔余所歷今師往戴笠羣爲弟子行乘車並合  
如來掌步行陟巘度平沙身披 賜紫雙袈裟羽林  
宿衛來相邀知師祝 聖從洛迦

天子召見明光殿爲師特設伊蒲饌奏對行看動

聖顏恩榮全寫鵬溪絹維余宦海久茫茫與師踪跡同

參商還鄉又限東西浙龍鍾老態常支床夙荷

君恩無以報瓣香惟向維摩禱紫竹林中佛現身潮音

古洞尤須到遠趁春潮達化城與師再拜初識荆前

山後山緣信宿無着天親總弟兄瀕分屬我題詩句

如此遭逢真殊遇長留此卷天地間海濤山月無新

故

宿息未菴贈珂月和尙

山中氣候早二月放桃花欹枕聞天籟推窗見洛迦名

言塵尾接真味菜根賒信宿偕師對何須展法華

題賜紫圖

普陀山志

卷之十九 詩咏

三

眼底澄空萬慮刪巍然獨坐掩禪關紫金魚袋知多少

那及袈裟 御府頒

題珂月和尙梅檀圍繞圖

四明花雨一燈燃坐卧高僧六十年無着天親皆眷屬

遠從海外學成連

題震六首座騎虎小照

普陀直上禮諸天喜接高僧首座賢射虎將軍雖勇健

那如騎虎更安便

縛獅搏象並神通道念鑿時色相空若把儒門來比絜

乘桴浮海讓師雄

繹堂和尚六十壽

鄞縣 仇兆鰲 滄柱少宰

南北宗傳左右宜，洛迦院主普天知。  
九重恩詔名方盛，滿鴨浮雲我獨私。  
潮汀狎鷗忘老至，松坡對鶴與年期。  
上人直有無窮算，妙術還須少贈詒。

贈繹堂和尚

蛟川 邵元觀 明府

羈宦逾千里，鄉心自轉蓬。  
聯支敦夙契，出世仰高風。  
弱浪春煙淡，遙天海日紅。  
名山依咫尺，夢在法雲中。

珂老和尚六秩壽

繆 燧

蒼蒼之松挺雲表，光怪虬龍恣夭矯。  
千年勁節凌風霜，一任支離抱貞老。  
孤高足自絕塵俗，蘊靈拔萃任幽獨。

普陀山志

卷之十九 詩咏

三

特立從來擬君子，精英螺珂常相屬。  
珂公修靜居海天，驚濤絕島參真詮。  
超乘直使文字掃，將心到處與人安。  
况復曇花發

帝夢召對承明道，逾重至今雨露徧靈山。  
不獨天章煥巖洞，自來海外逐風塵。  
念載相知久，愈真愧我勞。  
形雙髻，白息深，獨羨君精神。  
望秋自分僅蒲柳，後凋那復如松久。  
君今風格誰與同，前身無乃蒼髯叟。

珂公和尚枉顧奉祝壽言

語溪 朱景頤

閒肩瓢笠任西東，正切相思喜又逢。  
波劫銷歸蓮漏裏，潮聲悟徹竹林中。  
冰床五夜禪逾定，心月孤標相已空。

約畧從今無量壽海濤長見一燈紅

再禮梵音洞敬誌所見

范郊

兩之大士所勤懇鑒初心一識真空體無勞著相尋靈  
禽含妙語天籟發清音珍重平生志難忘此日襟

五十三參石

郭立傑

煙水重重只一人分身滿地太零星不知當日毘盧閣  
幾見銅頭鐵額形

同織造府送

御匾至普陀

千山江國楨海憲

一色茫茫玉作堆看潮湧去看潮回乘槎不見風波險

普陀山志

卷之十九

詩咏

三

捧得

君王睿藻來

重登磐陀石望海

前人

不到名山又一年二龜依舊石如前東洋渺渺添新景  
曉日隨波上下圓

時以汎居山隨喜南天門

周全

絕壁層層樹法幢瀛洲臺館接扶桑遙聽梵唄來天際  
別有煙霞出上方龍卧夜潭波影白花殘春晝磬聲長  
幾迴潮漲入難渡卻勝天台有石梁

登普陀

古閣楊景都督

特地辭塵入勝緣超然身已在青蓮象龍遙集三千界  
樓殿重開數百年香閣曉飛晴靄濕珠林春放白華妍  
了知衆相原無著性海澄澄有渡船

同部堂孫公送內造佛相入山恭紀 范昌治

昭代崇西竺佑民施聖教金身內府裝範相殊嚴妙天  
衣委半肩青蓮光照耀航海入名山特奉

天王詔鯨波坦不驚魚龍息狂嘯當知佛力慈四生同  
一照于我亦何心乘風登海嶠與觀入勝界開顏共含  
笑甘露灑心胸祥風訖邊徼用祝聖堯年同賡擊壤調

贈法澤禪師

徽州程侯本 知府

普陀山志

卷之十九 詩咏

三

如公般若允稱賢飛錫東來住石蓮詔賜大盈金布地  
身爲上輩釋彌天道通諸子數高座悟撒旁宗斷野禪  
藉指迷途登彼岸巍巍滿月自長圓

題法雨寺

同安洪龍 雲騎尉

金沙垂聖蹟寶巖卽神洲佛地風波靜天燈日月浮水  
中開淨土雲外渡迷流法雨當空灑于巖海色秋

遊普陀

秀水劉廷謨

名山屹立海中央掬水先聞勝地香金鉢盂中迎法雨  
鐵蓮花上渡慈航紺紺宮碧瓦 觀瞻遠異壑靈巖應接忙  
安得紅塵無箇事披緇坐坐任滄桑

梵音洞

前人

高崖絕磴勢穹窿峭壁平分浩渺中色相儼然波接引  
灑來花雨化長虹

贈法澤和尚

黃應熊

見前

光熙峯靄靄下有白雲僧塵尾談無相獅聲闌上乘諸

天明月朗大海濁波澄蔭注恒沙遍多欣彼岸登

丁巳長至為澤公和尚賦

前人

慈航濟世始開南丈室今同少室參了性天懷常自在

明心塵物絕無耽獅王出窟山精怯龍象當筵水牯慚

我亦時來瞻法雨禪房剪燭夜深談

馮天貴

普陀山志

卷之十九 詩咏

舌

光熙雪霽

馮天貴

千仞冰霜皎晴光豁兩眸餘輝凝寶地寒燄動珠樓玉

壘孤峯頂花開萬樹頭獨傳梅信早嶺外暗香浮

懷補洛

定海 史節文 進士

吾生知幻寄浮海竟為家勝地隣相接仙山路不賒波

光凝曉日洋水浴蓮花但得煙霞趣無煩入少華

余家于能

縣去山只一水耳

千步金沙

勤邑 李起隆

午夜波濤去復臨幾番淘汰見真心恒河無數雖云潤

不及滄涯步步金

當平光熙雪霽

奉化 鄔允祁

寒光曙氣薰薰峯清碧落橫披列畫屏珠樹瓊花摩吉手

琉璃銀色化工成

蓮池夜月

鄔景曙

水滿波澄月色明幽香遙拂晚風清忽驚身在蓮花上

更待何年說往生

徐州 趙元吉

平波灩灩木蘭舟雙眼澄空萬里流具闕天開煙島渺

香幢風動翠雲浮世間莫我憐青眼谷口逢僧話白頭

彼岸更教何處覓一聲鐘撞碧峯秋

普陀山志

卷之十九 詩咏

五

梵音洞

三楚 裴 鈺 總鎮

西方極樂國南海古祇林感應

宸多翰靈竒洞有蔭音垂雲冉冉花散雨森森香動蓮

非鐵光浮鉢是金願船通弱水彼岸露微岑宿昔瞻慈

相飯依繫素心况今銜

帝命符握近檀陰

題普陀

黃巖 朱國寶 遊擊

咫尺慈雲湧碧蓮旌麾海外接諸天風恬有象非空寂

濤響無聲卽大元蜃氣已開香閣靜龍巖不隔洛迦懸

當年感入瞿曇夢早覺靈光一點圓

至補陀

沈紹約

羣峯面面列芙蓉步入深青第幾重不信樓臺天際出  
慣看花雨檻前濃潮寒晚落千層雪嵐翠晴開十里松  
恭爲 聖朝多寵錫奎章高接紫雲峯

遊普陀

許 琰

見前

大壑懸崖古道場石蓮花頂錦屏張竹林人轉肩挑霧  
檀樹僧歸衲帶香絕壁當街通紫氣平沙連海展金光  
磬鐘定後諸緣靜孤月圓明挂上方

梵音洞

海岸窮危磴懸梯俯石缸洞從天半劈潮向閣陰撻皓

普陀山志

卷之十九

詩咏

三

月浮金鉢閒雲宿寶幢睇觀千百丈真覺毒龍降

潮音洞

佛選千年地汪洋幻一漚石連根盡嚙洞自頂俱浮梵  
宇崇當代靈光始此邱我今猶不肯臨去再三留

法華洞

石竇穿門入便知斯境奇徑紆皆見洞泉迸又成池樓  
喚潮來近樹留雲起遲幽探那得足暮色遠迷離

觀音洞

地勢磨旋海巖形笠覆僧路危侵葉過嶺峻挾雲登鳥  
向歸龕佛龜呼上岸崩不因留聖蹟雕鏤恐無能

洞外有鸚

哥石及二  
龜聽法石

梅岑菴

青林長秀蔚蒼嶺故紆迴井地猶存漢山岑尚姓梅抱  
忠徒海窟避世且雲隈千載真冰玉桐江亦釣臺子陵為梅

公女  
塔

朝陽洞

洛迦分秀氣海岸一峯懸建刹疑無地穿樓別有天白  
知潮欲響紅見日初然心境兩俱寂真堪靜者禪

伴山菴

前人

石徑凌煙入禪扉傍竹開花侵香砌出泉過飯厨來地

普陀山志

卷之十九 詩咏

三

僻雲爭宿林深鶴易回伴山今日伴踪跡悔塵埃

夢蘭和尚六句壽

武林 梁詩正 篆

十年高據古藤斜庭院深深落晚霞鳴鐘獨指天邊月  
集眾同遊干步沙昔日總戎震四表他年應擬坐蓮花  
寶掌何須詮甲子菊叢相對品龍芽

歷代四明貢物詩 七首之一

洛迦蓮

全祖望 見前

洛迦蓮子青璠瑜五色連枝飶香腴十丈長符韓子句  
一輪大合竺國書海山天曠風雲氣半向此間作儲胥

洛迦釋子荷

帝德年年一斗附使車望闕焚香祝萬壽其視負暄之  
獻則已侈

寶陀山三君詠

安期生安期鄉

始皇東遊鄧縣三十有六日驅山塞海真忽忽豈知此

中大有避秦人醉灑桃花滿石室祖龍勞攘吾弗聞到

頭亦與朱弓赤矢同滅沒

謂徐偃王城

何如道人墨痕長明

瑟八千子弟起江東翻然一出說重瞳匹夫之勇不足

用吾其歸逐冥飛鴻黃石赤松紛詭怪斯人殆亦留侯

輩一出一處蹤跡分誰識此中耿耿同節概笑殺燕齊

普陀山志

卷之十九 詩咏

三

方士愚如瓜之棗思津逮

梅尉梅岑

巨君安車駟馬遍山扃吳門市卒變姓名猶懼危機不

可脫遠作天東海上行投竿翠碣踰蓬頂

慈水之翠碣象山之蓬頂

皆有梅尉遺跡

履穿四明凍雪幾千層乘槎竟出大淡口吾知

免矣逃吾生生前名氏雖可埋死後孤岑翻以姓見稱

東有梅岑西有巖陵婦翁郎塔同芳馨東霍山高桐江

清門闌喜氣成客星山川因之俱不朽永爲赤符曜長

庚斯人何藉神丹九轉成

梁鴻梁山

梁山

梁鴻賦罷五噫作遠遊來朝爰及孟姬來翁洲此間山  
水殊不惡胡爲別向姑蘇卜一邱要離吳妄人擬之烈  
士非其流幽宮有知應不憇魂魄定當重過此地相勾  
留更聞巖間多墨蹟晉魏題名輝貞石天風海濤千年  
餘漸與桑田同剝蝕癡人不解懷古心妄參大士聽潮  
音頂禮膜拜不可禁高賢遺趾委荒林笑我鈍根別有  
契梁山山上獨長吟高論喜良春泰誓想嚴慈慈慈

正趣亭

古濶

夏昌渭

樓閣森森鎮碧嵐登臨我欲叩禪關天池水活隨吞吐  
松徑人稀任往還佇立片時都淨土回頭何處不靈山

普陀山志

卷之十九

詩咏

无

慈航渡盡塵寰苦願聽楞嚴訂石頑

磐陀石

天鼓前

阿誰信得毓靈竒怪石凌空却怛夷聊藉蒂根千載固  
安然位置萬年基登高偏喜身殊泰濟勝還愁勢欲欹  
過此再尋紆曲徑笑看一對聽經龜

寄贈承恩堂鴻崑和尚五秩壽

雲間

程開基

飛錫相依海島餘仙緣親近俗緣疏香分蓮社常聯句  
影逗蕉窗獨肄書半百光陰驚迅速三千世界悟空虛  
欲乘寶筏仍遲滯自愧凡心未盡除

贈鴻崑禪師

劉成

一衣一鉢別無餘頂禮空王不稍疏座仰蓮花真淨土  
經翻貝葉卽奇書磬聲偶擊心仍靜旛影頻搖夢亦虛  
五十年來參善果凡緣回首已消除

潮音洞

以下俱定海人

周西

海岸潮音洞波濤日夜流石崩牢設檻巖隙補爲樓峭  
壁摩文古高僧避世幽斯遊冒艱險對此豁吾愁

遊普陀

邱逸夫

暫泊輕舟入此山步隨雲影造禪關天晴愈覺巒光好  
地遠深容物性閒僻徑時逢孤獸過危巢暮見衆禽還  
老僧莫怪忘歸棹亦擬安神水石間

普陀山志

卷之十九 詩咏

三

普陀寺

前人

環山皆海水山曉梵宮開大士修真處潮音逐日來慈  
雲垂紫竹甘露灑蒼苔有老于斯子安禪坐石臺

過法華禪院

余燦

閒來獨與高僧坐洞達軒窗納晚涼靜境談禪詩作偈  
綠陰消暑竹侵床鳥窺鉢飯穿雲度龍攝天花帶雨香  
話到元機真妙諦依微星斗落山房

次宋仁圃明府佛頂山望日原韻

前人

極目海天東慈雲映日紅一團烘赤水五彩耀長空鷺  
嶺朝霞褪禪關曉氣通憑虛千級上兩袖拂晨風

和陳江洲司馬遊普陀原韻

劉心南

澄波帶月度慈航，彼岸初登叩佛堂。  
半沼白蓮滋法雨，一聲梵鼓啟朝陽。  
清修有路追難及，塵俗爲緣恨頗長。  
焉得年年海氛靖，與君相約話禪房。

和林蕙亭遊普陀原韻

武鑑

縹緲雲煙入翠微，蒙茸青草閉閒扉。  
潮聲遠送疎鐘斷，蜃氣輕浮寶錫飛。  
滿沼白蓮參淨境，一輪皓月透禪機。  
須知佛力乾坤大，能使蒼龍聽法歸。

次宋仁圃明府佛頂山望日原韻

前人

俯曉日升東，祥輝照耀眼紅開。  
千里曠心靜萬緣空，色

普陀山志

卷之十九 詩咏

三

相窺難定光芒射，處通扶桑疑可接。  
好趁一帆風

紫雲屏

有序

曹偉皆

普陀山息耒院之西麓，有大石壁立空中，高廣百尺，厚不及丈，上有小峯十餘，下作三足如乳，如杵，俱有渦以承之。若跌然坐上，鐫翠屏二字，旁無題款。山志不載，余以其石色深紺，易爲紫。

雲屏云

怪石凌空高百尺，橫亦如之薄。如壁面紋平削，豐碑樹頂上峯攢錯。凹凸足根離合，綫路通渦中。鼎立無差忒，下無根柢上無援。背有贅疣腹有隙，豈是媧鑪崩裂鼎。

傾瀉五色絲飛一片赤抑或月宮修斧屑亂墮八寶堆  
中碎琥珀留落人間千萬年桑田滄海幾經歷法華洞  
磐陀石聽經龜短姑迹名山靈異登志乘附會其辭曰  
膽炙山僧指點半依稀勞我登臨折齒屐响嶙突兀聳  
奇觀沒膝春茅谿逕塞判行棘走履踵決裳裂衣穿手  
龜拆艱辛歷盡一瞻拜周匝摩杪不能釋石乎石乎宜  
自愛勿向塵中爭黑白君不見璞玉未剖光沈沈徒使  
卞和被嚴斥又不見良桐被爨聲錚錚不遇中郎誰珍  
惜棄瑜取瑕惟所好有才自炫轉遭厄幸爾不脛處山  
阿莫將大塊登几席曠代難逢真賞人鐫題亦是知音  
普陀山志

卷之十九 詩咏

三

客夕陽蒸鬱明霞彩薜荔斑斕凝黛碧我來爲易紫雲  
屏赤水丹山同赫赫

紫竹巖

前人

石暈斑斕水氣昏競傳靈蹟鑿山根試看墨潑桃花石  
一樣潮音紫竹痕

遊普陀

金鐘

向訝蓬萊路渺茫今朝帆布趁風揚誰知一點山浮處  
竟是千尊佛道場寺與雲齊全古樸菴如星散半荒涼  
聽經說法尋靈蹟踏破苔痕策步強

普陀永壽橋

何委

壽必期乎永橋何命此名境爲天所設人想地同庚佛  
仗由來舊僧伽得度生枉梁終自別池水萬年清

贈谷馨上人

雲間陸逢辰

紫竹林中客青蓮會上賢家風承不二法雨普三千龍  
子司香供天人侍講筵嗟余羈世網未得學參禪

送鴻崑禪師歸普陀次留別原韻

相逢雲水又睽違雁信遙遙會面稀潮湧海天青似嶂  
片帆影裏送君歸

其二

離杯不酌似含醺無可留君只別君此後幾時重握手

普陀山志

卷之十九 詩咏

三

空教授筆賦停雲

喜崑上人到松

前人

高僧寄跡水雲鄉別後相思與日長灌我醍醐春一掬  
發人智慧偈千章承惠山茗茫茫滄海魚書杳歷歷光陰雁  
字荒惟有多情深夜月久知兩地互瞻望

秋初朝陽洞觀日出

古滯

王序東

萬派洪濤撼彈丸一輪朝旭透雲端陽光乍吐心神爽  
曙色初開眼界寬四序不嫌秋氣老幾回又見曉星殘  
人生行處皆堪樂玉宇無塵最耐看

聽潮

前人

讀罷三更月到窗  
濤星幾處撼長江  
奔騰直下三千里  
澎湃應馳億萬邦  
空谷無風何事嘯  
霜鐘不曙有誰撞  
須知盛世恩膏普  
江漢朝宗氣自龍

夏日遊普陀

韓廷峩

薰風送客到南天  
舟子呼登彼岸邊  
後寺地連前寺淨  
在家人結出家緣  
得詩偏是觀山海  
有酒何須辨俗仙  
甚欲步成歸去賦  
老僧且復強留船

重遊普陀

拋却紅塵佛國遊  
曾經兩宿白華樓  
老僧相識仍如舊  
明月多情又到秋  
睡起雲看巢嶺角  
夢殘風聽盪潮頭

普陀山志

卷之十九 詩咏

三

者番酣意題難了  
莫與蒲帆掛去舟

梵音洞見佛

前人

我生漫道佛無緣  
望到梵音那儼然  
點滴雨疑甘露灑  
靈空巖擬法雲纏  
輕衫恍惹清風舞  
活象還同滿月圓  
更有十分真色相  
添青半臂畫難全

寄鶴崑上人

韓廷錫

佛號古先生與儒雅相屬  
釋有儒者風超然乃越俗齊  
已喜咏梅一字師鄭谷說法且說詩禪偈  
奚足欲師本松亭人系出武陵族  
幼慧夙交稱峯柳靈秀毓妙悟領  
優曇醒破夢蕉鹿雜染入祇園  
傳燈資記錄勞窠善臨

池煙雲舒滿幅閒咏學推敲清聲裂孤竹堂爲紀恩開  
五世添似續紺宇久圯傾梓材勤樸斲笑供饌伊蒲懸  
困少積粟置產及香蓮緇衆得俯育山志字糝糊舊刻  
遭回祿雅意集名流重鑿新卷軸衣鉢有真傳披函曾  
再讀愧余未能如半生殊碌碌索句寄雙魚僉曰先生  
囑先生者爲誰禪林師所獨

遊補陀

王慶年

環海皆山青未了來看補陀山色好補陀山靈現溟渤  
圓嶠彷彿擬蓬島金泥光閃梵王宮欲謁未謁先爲容  
自知身已騰河嶽遙將一往馳蛟龍始遊洞天繼絕壁

普陀山志

卷之十九 詩咏

三

歷盡陂陁三百級芒鞋踏破海南雲玲瓏怪石迎人揖  
峯巒蘊藉有奇姿樓臺半露瓦參差三分樹色二分竹  
濃青淡綠襯相宜清磬一聲塵世外梵音上接諸天界  
十年久約此間遊到此了却遊山債山僧引我入松寮  
松風鎮日聽蕭蕭燒茶爇篆棲息處別有名花香六朝

贈鴻崑禪師

華亭

龔廷煥

飄然世外卽神仙托跡沙門四十年天籟無聲山海趣  
眞修自在鉢瓶緣三生頑石尋難認萬里芒鞋踏欲穿  
師曾到我渡蓮洋登法界快逢鄉語談禪

和家兄贈鴻上人

龔廷煥

海外相逢一笑餘，道情深處俗情疏。豈知甲第箕裘子，  
甘學雲霞靈寶書。佛頂峯高何豁達，蓮花洋靜是空虛。  
鄉人乍會難爲別，此段因緣未可除。

贈巖雲和尚

唐佑啟

袒肩引得笑生時，悟徹真如妙蘊知。鹿苑轉輪花共踏，  
鷓鴣王入座鉢同持。眼空三界紅塵淨，鼻沁五香白足推。  
當是釋迦來應世，名山獨占現牟尼。

寄贈巖雲禪師六秩壽

全陽子

寂寂禪房朗誦餘，海涯卓錫俗情疏。靈心悟徹蓮花座，  
慧眼看窮貝葉書。六十年華功益粹，三千世界理原虛。

普陀山志

卷之十九 詩咏

美

卜居欲作香山士，偏自塵緣掃不除。

遊普陀

定海金士奎

寶筏來西竺，暗渡人鹿鹿。爲言佛教隆，我心未輸服。生平事半違，抱脚思虔祝。因覓洛迦踪，破浪帆一幅。瓊宮峻，挿煙入門容。已肅黃面化，千尊靈跡醒。食肉梵音石，洞深聽法鯨。蛇伏一處一奇觀，古碑撥苔讀探尋。不可窮，抱雲三四宿。我未脫紅塵，讓僧受清福。

普濟寺

疊石長橋架水平，紅門深閉木魚聲。巍宮特創三摩地，古刹同登四大名。不是當年傳普濟，何能此日起羣誠。

煙霞館上無塵到八峰先知佛法清

法雨寺

漫說當前一寺紅  
凌雲樓閣兩相同  
九龍殿已偕山老  
五鳳門尤對海雄  
佛古尙能施法雨  
僧勤竟少出家風  
廊迴檻繞疑無路  
只聽鐘聲打半空

重遊普陀用 先嚴韻

不怕乘危度渺茫  
祇因名教久宣揚  
觀來佛相仍千樣  
話到僧規又一場  
浪擊洞聲依舊冷  
風吹海氣得新涼  
當門劈見彌陀笑  
笑我頭顱似昔強

贈鴻崑上人

前人

普陀山志

卷之十九 詩咏

七

玉毫金粟是前身  
出了凡胎脫了塵  
戒律已堪爲佛子  
耽書竟不異儒辛  
名山一衲參禪久  
靜室三餘得道真  
最是先生羣稱處  
譚經說法衆僧遵

重修南海普陀山志卷之十九終

重修南海普陀山志卷之二十

江蘇金陵

王鼎勳青甫參定

秦耀曾遠亭編輯

普濟寺住持能崙鴻崑校訂

釋氏詩詠

蓋自皎然處默創逸句於唐時思聰仲殊著清吟于  
宋代良以慧業深則摘詞悉妙熏修久則落紙皆靈  
調怨憎而消結縛休文之四韻堪聯揚周雅而抑楚  
騷臨濟之五宗無礙薪燒煩惱托雅興于嘯歌鉢擲  
空虛寄遙情于題詠為海潮音為獅子吼何妨以禪

普陀山志

卷之二十 詩咏

一

喻詩共參三昧也 誌釋氏詩詠

送僧禮普陀

宋

石屋琪

春潮日夜吼雷音耳聽何如眼聽親小白華山觀自在

頻伽聲裏現全身

送忠公自楚禮普陀

以下明

釋洪恩

窮諸元辯究之車煙水南詢固洛迦月滿吳江孤杖履  
雲深楚澤拭袈裟鯨浮島嶼觀非相屢結樓臺幻有家  
到處總堪成汎應寧知踪跡是天涯

送炯侍者禮普陀

釋德清

孤懸不動白華山滿目寒空大士顏若到崖邊相遇著

分明莫作等閒看

贈勝林法侶

前 人

普陀崖下白華村日夜潮聲誦普門試問庵居何所事  
幾回鸚鵡報黃昏

送于如法師之普陀

釋佛引

一葦波濤穩團瓢隱洛迦火龍歸綴鉢海屋避袈裟紫  
竹朝迷霧青蓮晚映霞夜深山殿寂皓月印金沙

過普陀晤潤田諸兄作

釋性冲

紺宇鬱崔嵬彤雲映碧輝龍將海藏出馬負竺書歸天  
樂尋香牒濤聲撼翠微高僧禪寂處鳧鳥傷人飛

普陀山志

卷之二十 詩咏

二

春日歸普陀

釋如泉

擔簦北海客蹉跎鼓柁南溟放浩歌厭俗懶于譚小品  
待時偏擬泛長波鐘鳴曉日開香積雨過春池長芰荷  
到此最堪稱大隱且將瓢笠挂藤蘿

同秘藏休遠慧舟禮南海

釋正昇

白華遙望海中央一葦波濤泛夕陽千步金沙從地湧  
百尋寶塔入天長龍宮幢蓋侵琪樹屋閣煙雲雜梵香  
喜與同袍參大士晴空親覩玉毫光

昱光上人自南海來清涼將圖南別賦此送之

釋鎮澄

清涼南海兩名山萬里區區獨往還信有如來真勝蹟  
有將行色畏投艱大悲深廣誰能到妙智孤高爾欲攀  
爲憶善財珍重去丈夫須透死生關

同克庵師禮南海

釋宏寅

爲禮慈悲相隨師泛海航鉢分寒浪月衣染白華香振  
鼓神龍集鳴鐘怖鴿翔願持甘露水徧灑獲清涼

宿白華庵訪贈朗徹禪師

釋來向

未覲慈顏禮洛迦白華林裏道人家峭崖鑿透千年石  
古樹勸開萬丈霞舌卷潮音談妙義塵揮雲影笑空花  
相逢洗我風塵色夜靜燒鑪雪煮茶

普陀山志

卷之二十 詩咏

三

遊法華洞

前人

別是一天地蒼茫入望間白雲翻石浪靄斷松山逕  
倒扶藤上林深撥霧攀洞門塵迴絕皓髮老僧閒

禮普陀

釋道貞

攢峯峭壁勢排空大海中間山最雄蛟蜃結樓雲湧黑  
龍鼉鼓浪日翻紅潮聲夜落龍吟外天籟時聞僧梵中  
何必辛勤尋解脫耳根觸處卽圓通

禮南海過無用師靜室

釋圓復

幾年禁足向巖阿茅堂土壁藏煙蘿怪路崎嶇不可到  
孤峯突兀懸殘照風度旃檀徧海香雨滋下界盡清涼

修竹陰森爲淨土寒流涓滴成甘露刺血揮毫滿梵筵  
我一見之心茫然信心苦行真超異諸佛同聲授師記  
跌坐經行歲月長苔侵瓦鉢石支床休論彈指超無學  
會見心空齊妙覺何當分手各西東悵望雲山千萬里  
釋海觀  
是山俱可住何必向崆峒倦倚梅岑樹閒看海嶠風一  
徑通籬落兩石峙西東偶然捧書卷隨意就陰桐

其二

支遁買山隱我欲躡其踪因思普陀近常聞聒耳鐘檻  
外饒綠筠墻下有流淙柴門不須掩依杖白雲封

普陀山志

卷之二十 詩咏

四

其三

夜分猶不寐起來步林月歎息勞生擾顧影慚白髮寒  
威侵逼人覓火燒楸烘罷上禪床挺挺脊梁骨

以下國朝 釋元盛

天際芙蓉暮靄清羣山萬疊雨初晴金嶂玉座香雲滿

絳闕瓊樓皓月明向以疎慵忘主客今從患難見交情  
孤鴻避弋辭滄海風雨飄飄賦遠征

登白華山贈聞先禪師 釋德立

高懷人不識知喜對沙鷗蜃氣浮金鉢潮聲吼石牛雲  
開山洞曉月出海門秋時立梅岑上乾坤雙眼收

贈潮公和尚

釋本晝

幽興令人不自降，寺門圍入海山幢。  
月輪可比驪珠大，永夜無聲對客窗。

春日祝潮公和尚壽

前人

天蔚藍兮海琉璃，孰能耳觀眼聽之中有鼉鼓催龍旂。  
鳩盤羅刹爭依歸，雲端樓閣纏彩霞。島山小大浮蛤蜊，  
跏趺旦夕身且遺。松杉幢立春日遲，眞歇古稱禪白眉。  
家風異代方力追，羲和鞭探扶桑枝。要驅日月定四時，  
大通十劫僅一炊。此事人間信者稀，千里吾宗駒更誰。  
金峯坐斷何屢屨。

普陀山志

卷之二十 詩咏

五

送別公和尚住普陀

釋如玉

偶然相值東山東，一言未吐識英雄。筆底青雲三萬丈，  
胸懷明月照秋空。方今法道如累卵，我與陳公心自同。  
強君補陀立表幟，慧祖一脈續高風。腳頭天地空，今古  
竚看鐵骨撐寰中。

十二景

存二

釋幻敏

濃濃淡淡隱巖龕，重若凝雲輕若嵐。分付巽郎勤蕩拂，  
毋令雀舌減餘甘。

茶山風霧

數椽巧構傍山成，煮茗頻煨折脚鐺。七椀興濃猶未已，  
清風習習淡煙橫。

詠室茶煙

禮梵音洞

釋超眸

買得扁舟到洛迦羣峯日口繞煙霞乘雲已上磐陀石  
躡躡還過千步沙頻禮斷崖思現瑞卻憐老眼未生花  
衰殘不禁忙回首萬里滄溟水一涯

咏沼荷

釋德介

梅岑沼內荷成樹紅白相兼密無數當時遺戍及茲山  
根蒂無存稜白鷺十年得復返山廬亭亭發育仍如故  
是知劫運轉滄桑有根爭似無根固蒼穹宏被豈尋常  
珍重花神惟養素故人邀我入香風幾欲隨流乘杯渡  
松濤謾謾空谷中默自躊躇終懶步寄語海南學道人

普陀山志

卷之二十 詩咏

六

好向池邊覓詩路

旃檀精舍口占

釋照機

風景只年年盈盈白髮鮮竹窗遙聽水清沼懶栽蓮日  
月閒中擲煙霞世外妍罷琴惟繡佛諸事不相便

其二

世外多幽賞林泉事不羣春來啼舊鳥雨過起新雲玩  
水知魚樂聞香愛蝶醺此中何不悟指掌示于君

題玉堂街

前人

詠茅甃石見康莊以字題名示不忘從此腳根歸正路  
濤聲山色轉風光

過普陀訪潮公和尚

釋元璟

坏渡南來情亦深  
洗空雙眼聽潮音  
卷回石穴層層雪  
踏去沙灘步步金  
才憶五臺歸化宇  
又凌孤岸寫虛襟  
名山偏鮮留人住  
細雨松窗自在吟

同珂月師登磐陀石

釋上繼

久切磐陀勝  
携筇一過從  
禪心澄海月  
詩思老雲峯  
林靜馴幽鳥  
風高落晚鐘  
主賓松下坐  
嘯咏悟真宗

紅白荷花次蘄山和尚韻

釋通旭

輕陰縹緲水雲長  
素艷殊根一種香  
和月麗時渾欲語  
回天炎處故生涼  
瓊臺剪落霞千片  
鏡面飛來鷺幾行

普陀山志

卷之二十 詩咏

七

夢蝶緣春尋不到  
祇應珍重仲空王

息未園漫賦

民生事隴畝  
老我賦歸來  
愛此一片石  
多種幾株梅  
石可和雲坐  
梅能傲雪開  
地寬宜補竹  
徑僻易成苔  
堅勁孰可擬  
一日幾徘徊

西天門

前人

誰謂天無路  
天門此地開  
青冥通帝座  
杳靄瞰蓬萊  
有響音俱梵  
留丹仙是梅  
磐陀說法處  
猶在白雲隈

己巳三月朔日

上遣侍衛臣賞帑金至山恭紀

釋性統

山陬海澨外野衲卧雲深久斷長安夢何期天使臨星  
趨勞驛駟風偃拜綸音瓦礫生光彩

皇恩爲布金

其二

天威原咫尺鳳詔下林臯引道惟金錫環亭盡錦袍時

率千僧至短姑道頭迎龍亭天使侍  
亭左右總戎黃公率兵將千餘扈從朝臣宣

聖德野逸沐恩膏花鳥陪人笑殊增意氣豪

其三

邱壑千尋峻場開不二門當朝逢

聖主萬代奉茲尊海閣晴霞映屋樓曉日吞蕭蕭多寂

普陀山志

卷之二十 詩咏

八

寘此日遇殊恩

題普陀

熙朝鼎運海雲開朱履欣從破綠苔斷砌旌旗橫麗日  
虛堂鐘鼓震春雷廣傳衣鉢賢王澤遙溯源流大帥才  
佇聽晨雞清報曉九垓應效舞三臺

潮音洞

前

鐵瓦翬飛久不存金光重現荷

皇恩欲知大士今何在淨聽潮聲撼海門

祝別公和尚壽

釋至善

白龍騰御五更風佳瑞宜將兆海東莫訝嵐圍當日事

而今已自出蠶叢

寶陀寺

前人

閒搜華藏卷廿八乃斯鄉翠擁庭垂蓋白吹池散香人  
歸鐘磬悄雲定薜蘿荒歇老提綱處誰爲再舉揚

玉堂街晚步

釋照能

地分世外傲羲皇杖履何緣步玉堂花鳥文章泉石史  
歸來滿院薜蘿香

至普陀

釋元志

洛迦名勝冠支那宸翰奎章罷錫多老栢雲中撐佛  
日疎鐘月裏答鯨波煙橫島嶼香航集梵響樓臺野客

普陀山志

卷之二十 詩咏

九

過莫訝好山登眺晚凌空紺殿愈嵯峨

喜至洛伽山

釋濟成

潑天風浪渡東洋千里須臾到上方紫竹有時常現瑞  
白花無地不生香鯨吞海印三秋月日射金盃百道光  
始信洛伽隨處好石頭坐坐也清涼

歸山重栽剪鑑池梅

釋隆壽

適土無如故重來憶舊時欲仍幽徑趣先植早春枝香  
國人難到冰心我獨知滄桑何足計面水問鬚眉

和本師重栽剪鑑池梅韻

釋能學

古徑重開口依然是昔時乍添新月影看發舊花枝野

鳥休先覩閑雲許共知孤根欣有託晨夕伴鬚眉

題隱秀菴聞上人五世圖

釋智楠

華藏老人悟道妙大闡宗風臻元奧現身說法天雨花  
六變震動感神廟宣教發帑建普陀珠宮紺殿何嗟哦  
慈雲萬古垂不朽老人慘澹經營多喜靜厭煩思冥息  
謁者張公擇所適白華西畔剪荆蕪精舍初成開胸臆  
滄海潮汐任西東花香煙氣自晨夕令嗣養元光先業  
名藍重創真赫奕一自海氛起劫灰民廬僧舍皆殘摧  
雲山無復舊輪奐鹿遊猿嘯滿蒿萊王師南下揚神  
武樓船飛渡柙兕虎海甸重沾日月光復興檣桹何辛  
普陀山志

卷之二十 詩咏

十

苦聞先大師大士身後先創業非等倫五葉慈顏足千  
古浩蕩勛猷難具陳

贈別菴和尚

釋湛碧

杖錫飛經棧閣東彩雲捧日白華峯鯨吞滄海三千浪  
龍卧青山百萬松池上拈花霞影照堂前說法水聲淙  
客來借問分真跡大智燈輝大慧宗

尋真歇菴懷古

釋永道

波中卓錫破天荒祖道于今日更彰欲訪幽棲遺老盡  
寒雲冉冉水湯湯

題鏡花院

釋本學

漢室神仙地梁朝大士家欲窮仙佛迹會取鏡中花  
青蓮閣 釋明慧

幽勝青蓮閣推窗烹茗劇花開且共看不必問花落

遊梅灣

前八

梅花萬樹滿前灣仙尉于今丹竈閒春色自來還自去  
何曾一片落人間

遊法華洞

釋明成

携筇尋古洞平挹萬峯頭樹樹煙中出山山水上浮雲  
深苔徑滑地僻鳥聲幽茅屋藤蘿秀青紅挂老秋

春日訪潮音和尚

釋元龍

普陀山志

卷之二十 詩咏

十一

蓮花洋口立羣峯船到峯前起暮鐘三里白平春雪路  
一林青谿寺門松海天飄渺乾坤曠臺殿崔嵬花雨重  
爲訪故人來勝地法鑑復見振南宗

遊普陀

釋空瑞

立徧奇峯怪石巔何如此地白華懸四圍松竹分雙寺  
萬頃煙波湧一天好鳥臨風聲欲細閒花得雨色增妍  
優游不覺忘塵世携杖吟哦興自然

圓通大殿落成志喜

釋心明

廿年荆棘地此日見禪林

聖主恩流海宰官信布金聞香靈鷲舞聽法毒龍吟自

知微願力不負報師心

甲申三月十八日詣暢春苑恭進

萬壽詩二首

存一

釋源法

率土春深景物妍恭逢

聖壽頌無邊聲連華嶽申三祝花發蟠桃慶萬年草木欣欣沾帝澤臣民藹藹戴堯天野人亦得膺殊遇敢效嵩呼拜御前

八卦石

怪石萃中峯巍然居山頂猶如章甫冠彷彿九州鼎日月聽盈虧滄桑隨萍梗不知伏羲前此石名何等

普陀山志

卷之二十 詩咏

七

觀音洞右二丈許何易崖欲築小亭于坪之上咏  
之前人

遊山周四際載行復載坐瞥然得異境有徑仄無奈平  
平倚奇崖丈許量可過佳木蔭婆娑宜添亭一箇海天  
四面寬重峯愛森播高者愈昂頭低者若依和浮藍點  
點生目中看小大徘徊立良久有亭實爲佐洋洋山水  
情來往隨饑餓指點三神山秋毫可矚破

圓通殿前左右石階成口占

釋源鏡

久沉浮幻宅垂老入幽岑矢直疑雕玉砥平勝布金聖  
凡同托足夷險莫關心化日光天下同登大覺林

白華菴大悲閣成賦贈耆英長老 釋明果

香閣嵯峨倚翠岑善財好向此中尋松濤午夜穿窗冷  
竹影高低入座陰捲幔時觀滄海濶凭欄始覺碧雲深  
愛君手眼通身是携杖頻來話素心

春日訪梅岑菴題壁 釋法湜

行義何妨又潔身梅花獨占首陽春尋來丹井今猶在  
無復當年跨鶴人

普陀偶成 釋源如

山浮波面翠連天惟識當年花雨鮮一自普門親指出  
腳根到處湧金蓮

普陀山志 卷之二十 詩咏

三

觀音峯 釋通樹

何故不肯去中流砥一岑海潮日夜吼傾盡大悲心

達磨峯

篙山人似壁補洛壁如人獨立孤峯上誰逢葱嶺身

正趣峯

遙憶南詢子東方特特來憑空長在定星月夜登臺

真歇泉

始倡宗風地人名泉亦名洪濤千萬頃何似一泓清

彌勒洞

自到長汀後何年出定關度生生自度且向洞中閒

善財洞

爲馳文殊囑寧辭煙水遙罷參來海外一日了全潮

龍女洞

前人

卽此南方界不離娑竭宮住今年多少八歲顯神通

送珂月法姪和尚歸普陀

釋超永

東海普陀洛迦山孤懸特立洪濤環神州巖島近相接  
別有天地豈人間善財昔參觀自在說法圍繞入無礙  
西漢耆英梅子真煉藥其中絕憎愛有梁紀自貞明年  
日本僧鏗信頗虔恭迎瑞相歸本國行到螺礁舟不前  
蓮花滿洋蔽斷路鏗公暗禱卜所住須臾轉泊在潮音

普陀山志

卷之二十 詩咏

古

卽此建刹聲光布歷朝崇奉敬非輕

帝王勲輿及臣民梯山航海如雲集搏籟皈心盡至誠  
初因妖氛未開禁冷落甘穰今復振爾師拈捩多辛勤  
功成幸叨 天子命賜帑賜額

恩數加倍隆前代福無涯潮兄法任重千古繼起珂公  
亦足誇造謁 上林謝 聖主卻來我室肝腸吐

畧陳緣起壯行幢屬望殷殷念同祖

千步金沙

釋通順

誰把珠沙布得成傳聞佛步此中行捲將浪影千尋白  
鋪就潮痕一片清不管晴陰雷慣吼纔交子丑日先生

想來淨土貪癡淨滿地黃金却不要

九日登菩薩頂得東字

釋常譽

絕頂雲深處登臨興倍雄水明天際碧霜樹頭紅萬  
慮一身外千山四望中天菴容我住歸懶下山東

陀峯觀日

釋演靜

旭日將生海半紅飛身三耀上天東一時萬國開幽昧  
照得繁華世界同

至補陀

行童心鼎

總角隨師履舟行至海南所經疑故里相見宛同參示  
幻全知醒問心杳莫探夜深學趺坐明月入松龕

普陀山志

卷之二十 詩咏

五

南海十二景

選六

佛選名山

釋能峇

脫卻恒河選佛場一卷補怛峙南洋峯巒疊翠迎朝旭  
煙水蒼茫送夕陽特降慈雲消屨氣常施法雨現靈光  
從教印作蓮花主石蠢林頑亦惹香

兩洞潮聲

東望汪洋萬馬奔潮回兩洞撼晨昏天窗屹屹通蛟窟  
石甃嶙嶙控海門浪破長風飛寶筏波搖片月洗靈根  
洪濤聲裏聞仙籟震及雲山億萬村

朝陽湧日

萬頃潮光湧日光天吳送景出扶桑山鐘扣醒塵間夢  
海客燒回洞口香黛色未分籠宿霧曙輝先已到朝陽  
漁舟釣罷揚帆去一曲清歌引興長

法華靈洞

苔徑紆迴雅致多玲瓏巖洞繞卷阿方經翠竇當泉石  
又見雕窗啟薜蘿我向此中參七論人於何處問三摩  
同遊喜訂重來約謂可清心不厭過

光熙雪霽

花飛六出滿光熙見睨猶知造化奇世界三千齊色相  
蓮臺十二現牟尼天排玉壘難尋路鳥向瓊林特借枝

普陀山志

卷之二十 詩咏

七

看到彤雲消欲盡上方無地不琉璃

蓮池夜月

一盤池開十畝蓮亭亭翠蓋擁羣仙賞心最是源泉滴  
清耳無如天籟宣好句吟成花亦笑禪機悟到月初圓  
歸來兩袖沾香露猶是依依不肯眠

五旬自敘

蒲團也自惜三餘貝葉頻翻畧註疏學道須明言外意  
參禪曾讀古來書不難易處分難易沒實虛中見實虛  
自愧百年斯過半依然魔障未消除

寄鴻崑禪師五秩壽原韻

釋維章

聯吟促膝歷年餘旅食他鄉繼見疏嗟我心田荒墨稼  
羨君腹笥貯賢書向來加謹人無及近况滋康理不虛  
更喜花齡五十度古稱惑業已先除

遊法華洞

前人

閱盡名山香剎界惟于此地獨鍾靈空清不亞神仙府  
轉折如翻貝葉經越過飛梁門戶別攀來懸磴薜蘿青  
盤桓到得峯初半又見銜題觀旭亭

秋初朝陽洞觀日出

釋鐵菴

大觀滄海太陽丸萬里秋光豁目端玉鑿半開天氣爽  
金鳥一照地形寬山山雁渡霜風早樹樹鴉啼曉月殘

普陀山志

卷之二十 詩咏

七

欲繫長繩雖有便恣昇無上逐應難

贈鴻崑禪師原韻

前人

寄住承恩卅載餘門前車馬更稀疏從來君子皆憂道  
豈有高僧不讀書絕俗愛耽山水冷逃禪識破利名虛  
江鄉風景雖無在幸得蓮池月照除

登普陀五首

釋觀參

朝拜東南海外山迢迢千里遠躋攀遙聞鐘鼓煙霞裏  
近看樓臺霄漢間龍眼有泉流玉液虎巖無路覓金銀  
珂公一徃空陳迹梅嶺誰來再啟關

登彼斷岸望長空紫竹深林萬壑風西拆江流波渺渺  
東翻海氣雨濛濛潮聲響徹青天外寶塔光搖白日中  
靈洞玉書丹灶在蒼茫何處問仙翁

其三

特來此地覓曇華踏破芒鞋路轉賒問道不尋前太守  
聞鐘却憶舊僧家風翻祇樹搖清影雨過蓮洋變紫霞  
回首磐陀山外景扁舟一葉夕陽斜

其四

白雲紅樹梵山頭躡磴攀蘿逕轉幽斜日荒荒巖際下  
清泉淺淺寺前流短始聖蹟名猶在大士殘碑迹尙畱

普陀山志

卷之二十 詩咏

其

千載廢興真夢幻青燈夜夜思悠悠

其五

來往洛伽滄海間欲求真訣駐衰顏星河半落巖前寺  
雲霧初開佛頂山千步金沙風浩浩百年仙井水潺潺  
不須更覓菩提路滿目生情豈等閒

永壽橋

釋能劬

一虹橫沼跨永壽著其名不逐滄桑變還同日月庚凌  
波青嶂合嶼水白蓮生佛國開南海橋懸天地清

潮音洞

釋悅參

無端絕壁起雷霆倏爾神兵戰鼓臨鯨吼一聲震谷響

驚翻千里浪潭深灑來石穴紛紛雨激向巖中點點金  
欲說此間靈異處競傳大士聽潮音

錦屏丈室落成志喜

釋鐵蓮

光熙峯麓舊茅堂松菊雖存徑就荒  
整頓乾坤持氣運  
支撐風雨費商量錦屏原好圍詩課  
花雨飛來洗道場  
莫笑蝸廬天地小全憑佛力固金湯

遊隱秀菴

前人

煙樹全遮一院深勝靈肩闕費多金  
談空拂塵香飄袖  
坐石觀花翠滴襟重疊樓臺依峭壁  
嵯峨殿閣起幽林  
上方絕少凡人跡欲扣雲扉不可尋

普陀山志

卷之二十 詩咏

五

讚偈

觀音讚序

節畧  
以下唐

獨孤及

寫菩薩之真相等觀音之全身于是乎諦觀慈容瞻仰  
聖位知海潮之梵音不遠蓮花之法座可識將令功德  
池水灌溉其三業菩提根芽發生于一雨

觀音大士讚

有序

王勃

蓋聞圓通大士乃號觀音接物利生隨機應現向乾坤  
東畔娑竭海中雲濤湧金色之山聖閣起琉璃之界巍  
巍寶座凝然居自在之身蕩蕩慈容皎若現白衣之相  
身挂雲羅素服藕絲織而色映寒霜體嚴瓔珞同心衣

纓盤而麗晶皓雪翠迎仙島五雲之寶蓋玲瓏艷逆摩  
尼百寶之華冠赫奕肩橫纖黛如海門之秋月初彎目  
紺重瞳似水面之青蓮乍秀齒排珂玉舌縈紫檀丹珠  
一點艷頻婆兩臉朦朧勻琥珀向淨綠波上圓相舒而  
有金毫玉毫虛白光中勝境現而有佛界仙界于是雲  
雷吐辦宣諸佛秘密之金言釋梵雨華歎聖德希奇之  
妙事獻寶兮有龍王龍女奏樂兮有天仙地仙向孤絕  
迴處作津梁于浩渺波中拔急難尋聲救苦赴感隨緣  
如萬水之印孤蟾似洪鐘之應千谷悲心誓救于娑婆  
遺教遍臨于穢土誠以周塵周剎普應普觀無遐無邇

普陀山志

卷之二十一

讚偈

三

盡皈依有願有求皆赴感河沙功德億劫難量遙望洛  
伽之山稽首聊申歌讚南海海深幽絕處碧紺嵯峨連  
水府號名七寶洛伽山自在觀音于彼住寶陀隨意金  
鼈載雲現兜羅銀世界衆玉裝成七寶臺真珠砌就千  
華蓋足下祥雲五色捧頂上飛仙歌萬種頻伽孔雀盡  
來朝諸海龍王齊獻供寶冠冕耀圓光列瓔珞遍身明  
皎潔臉如水面端芳蓮眉似天邊秋夜月繡衣金縷披  
霞袂縹緲素服褊袒臂珞珈珂珮響珊珊雲羅綬帶眞  
珠綴紅纖十指凝酥膩青蓮兩目秋波細咽頸如同玉  
碾成羅紋黛染青山翠朱蜃艷齒排玉珂端坐昂昂劫

幾何化身百億度衆生發願救苦等恒河我慚我愧無  
由到遙望觀音悲讚歌大聖大悲垂愍念願舒金手頂  
中摩按前志謂此作語皆鄙俚竟將菩薩認爲女身考  
勃集中並無此文遂徑削去然菩薩顯應實化女  
身刻畫之過流於鄙褻耳第詞筆淺弱  
其爲廣托無疑舊志錄傳已久姑存之

留題寶陀禪寺碑偈

有序  
以下宋

史浩太師

紹興戊辰三月望鄱陽程休甫四明史浩由沈家門泛  
舟遇風挂席俄頃至此翌早恭詣潮音洞頂禮觀音大  
士至則寂無所覩炷香烹茶但椀面浮花而已歸寺食  
訖與長老瀾公論文殊揀圓通童子入法界事曠時再  
至洞下俯伏苔磴凝睇嵌空惟亂石巖纍與盡欲返有

普陀山志

卷之二十 讚偈

三

比邱指曰巖頂有竇可以下矚扳援而上瞻顧之際瑞  
相忽現金色照耀睂目瞭然二人所見不異惟浩更覩  
雙齒潔白如玉于是咸懷慶快作禮而退旣而治舟還  
甬東懼此語無傳用書于壁庶幾來者觀此無疲厭心  
不以一至不見而遂已也迺作偈曰稽首寶陀山觀音  
大菩薩三十二妙應垂福于人天慧日廓圓明微隱無  
不照我等由宿植于菩薩有緣曩書一毫端菩薩悉能  
鑒今茲一何幸聯檣來寶所淑景得惠風滄海如鑿淨  
朝發東秦岸須臾達蓮宮僧飯洗鉢時相與瞻遠嶠石  
橋跨巨浪側足毛骨寒自念塵全身得伴清淨侶同聲

誦密語復念我師名注目謁慈光忽覩紫金相崆峒石  
窟上宴坐自在容雲霧不蔽虧跪禮得良久借來無老  
稚咸識應現尊讚歎且忻歡得所未曾有我念現前衆  
中多大福人日親近我師所禱如響應爲我懺衆惡遂  
亦見如來同辦起心香復陳一日供倘以昔積善獲此  
大吉祥願敦未來因永託如來記浮生如夢幻孰處放  
生戒殺多素羞廣閱如來藏分陰實可惜棲遲必山  
林料理般若船長登菩薩岸羣生迷苦海拯援使知津  
共發向上心世世同佛會

應制聖母印施藏經讚

有序  
以下明

申時行

大學  
士

普陀山志

卷之二十

讚偈

三

臣等竊聞釋教來自西土興于東漢其說主清淨出世  
帝王所不道然而訓化廣大義旨遐深要歸于澄徹心  
性利濟民物是以雖當儒道昌明宇宙淳和之際而其  
道不廢大乘般若以來祖祖相承心心相印卷帙益多  
哀爲大藏總持禪言武庫莫方其富尊函禁地緇流弗  
覩其全非俟上聖垂仁曷以播宣斯理我聖母慈聖宣  
文明肅皇太后德昌人寰功周法界融最上之眞諦懷  
大覺之宏慈乃印施茲藏以祝延我皇上無疆之歷而  
推其餘以佑國庇民意甚盛也臣等因得涉獵稍窺元  
微似于儒理亦有相發明者焉謹對揚皇上之休命奉

宣聖母之德意拜手稽首爲讚曰粵惟聖道如日麗天  
萬有畢照誕被八埏亦有釋教如月破闇接引未來超  
登彼岸於皇聖母毓成帝德治化丕覃億兆寧一載宏  
大願永拔沈淪外息諸緣內淨六根嘉與衆生永臻覺  
路皈依十方如寐得寤諸佛妙義如恒河沙示權顯實  
會演三車微塵國土徧蒙佛力一一國土皆聖母德微  
塵世劫流布施經一一世劫皆聖母齡迺惟本願爲帝  
祝釐天子萬壽與天巍巍載惟本願爲民祈福天子惠  
民澤施滲漉匪民是庇國祚茂延助我聖道日月並懸  
是藏流行無界無境施者功德亦莫究竟

普陀山志

卷之二十 讚偈

三

救賜南海寶陀寺藏經頌

有序

屠隆

見前

夫如來之教勝殘化暴徹蓋導迷以清淨爲本以觀照  
爲功上則入流證聖得以超劫越塵下則去垢離嗔賴  
以懺警寡過羽翼儒教弼助皇化偉彼功德作我津梁  
矣然世必賴明王喆后信奉皈依植慈氏之藩籬爲人  
天之眼目然後士庶雲涌善信波馳興起因緣宣暢教  
典所關繫詎細故哉恭惟皇上握乾符承泰運救寧億  
萬紹隆三五乃于萬幾之暇凝神元默究心禪宗欲以  
闡揚三寶法式九圍尊奉慈聖皇太后懿旨特頒詔勅  
印施前後藏經若干兩到洛迦山寶陀禪寺僧衆踴躍

龍神懽呼東方臣庶始知楞伽之教果爲苦海寶筏其在聖主尙爾尊崇况我庸愚詎敢褻慢大教興起元風退暢化行俗淳德厚刑措於都哉美矣盛矣草莽臣隆于是以手加額稽首作頌曰皇帝在宥風翔化溢乘日之車颺霆駛疾不鞭而馳不教而率翼而助之厥惟能仁以淨治垢以慈治與以真治妄以解治勞巨周沙界細入微塵消煩達滯捐冥破昏超出橫豎師表天人乃有冥頑媮鹵暴鯨賞不能勸刑不能艾或因慈氏掀翻鋼蔽自投三寶稽首懺悔無明爲障積業隕福歷劫輪轉曷繇拔足皈依大悲永超五濁或修六度或行十善

普陀山志

卷之二十 讚偈

一

證聖像流大道是踐行解相應諸佛立現譬如飲海各滿分願善哉聖力徧覆大千皇德闔鉅與佛齊肩綿歷永祚億萬斯年

補陀觀音大士頌

有序

前 人

夫理有去來宏通之機斯顯位有權實圓明之妙無方觀世音菩薩者古正法明如來也如來實相旣已臻無上之尊菩薩應權乃退處大乘之號行教蹇遜其權證道無改其位蓋如來體尊尊則下土多于敬畏菩薩地近近則衆生易以皈依而觀世音心珠朗耀齊妙覺以證三摩性海澄浚超聲聞以圓四智故善財徧參其妙

法來諸聖之欽崇釋迦授記以圓通同支殊之廣化般  
若義深善得法門無漏仁慈觀熟偏于此土有情揭暗  
破昏高懸慧炬消災救苦普施津梁威音伏衆刀兵水  
火潛形勝力降魔羅刹鳩盤拏手誦白衣之號則孕嗣  
充閭望紫竹之林則漂舫及岸百戰猛夫觀蓮花洋而  
魄褫九幽獄鬼灑楊枝水而魂甦凡夫苦行薰修頓叩  
香臺法座居士志心悲仰立見聖相圓光兜羅銀界琉  
璃嵌七寶雕牀華蓋金幢瓔珞映五雲錦帶西成道于  
大竺迦毘之種旣已星奔東顯化于洛伽娑婆之衆益  
以泉涌偏陬陋壤被功德者無涯愚媪村氓奉香火者

普陀山志

卷之二十

讚偈

五

恐後照深潭潭見月月止一輪蕪寶鼎鼎皆香香  
無二性真妙莊嚴無復唐捐藏秘密不可思議者矣于  
是弟子敬薰沐和南作頌曰大哉法王子累劫行薰修  
想觀旣成熟漏盡得無碍圓明了一切十方咸照徹刹  
那千手眼或億萬化身恒河沙世界悉歸掌輪中大千  
蟻螻形亦如螻螻響所有微塵衆如來悉見聞所見亦  
非目所聞亦非耳由通妙明性而融耳目相隨物皆應  
現巍巍不動尊尋聲救苦難疾于激弩矢誓拔度衆生  
普徧娑婆土乘彼宏願力亡不得所須譬如汲海水盡  
甕爲甌罌咸合滿足去大海不減損願苦惱衆生一心

歸命禮或頌呵哩耶或稱帝濕伐觀音胖響至拔汝出  
苦海按赤水此序及緣疏平仄粘頂每有不協但氣格寡宕不失才人本色故依舊志錄之

朗徹禪師剪鑑池贊

晉江張瑞圖大學士

泓然而止廓然而虛不取于相如井甌驢中有金鱗破  
網而出雲行雨施非池中物

前題

閩中曹學佺

池水之清可鑑毛髮匪方匪圓剪之如法上人休心息  
影其中入功德水隨取無窮

前題

華亭范允臨

一泓澄然月印千頃非止鑑心亦能留影剪破蒼萍虛

普陀山志

卷之二十

讚偈

美

空如瓊酌以醍醐沁然灌頂

前題

陳繼儒見前

俗侶去閒雲留水洗耳石點頭朗和尚百無求

奇峯禪師像贊

慈谿姜應麟都諫

謂像真耶本來是空謂像假耶儼乎其容既支旣慧允  
穆允恭佳持方丈紫衣是榮晚年精爽詩詞益工澄心  
而坐瞑目而終合山大德罔不信從故咸禮其像而尊  
敬之曰者老和尚海上奇峯

定圓禪師像贊

以下國朝

嚴虞惇見前

道高于斗德重于山骨癯貌古心廣體安一字關能透

伊維書常刪有時與二三子論道質疑不讓洙泗與杏  
壇有時拈一莖草建寶王刹于絕壑層巒處衆也六和  
是式持已也終日乾乾小溪流水碧古寺晚鐘殘嬾舉  
庭前語人天許獨開名山領袖寵辱無關滄桑雖隔遺  
賢在贏得高風出世間

聞先禪師像贊

陳 曙

姓從古釋迦形是今彌勒直奪名山秀石隱名山麓却  
火驚滄桑淨土何曾滅拈起一莖草復建寶王刹有時  
樓閣分身有時率陀宣說不知又在補怛洛迦山中脫  
珍着敝幽閒歲月當來下生人間還有許多不識

普陀山志

卷之二十

讚偈

三

觀音大士贊

宋

釋天目禮

千丈白華崑回頭冷眼看天龍如領會滄海亦須乾

觀音大士贊

以下  
元

萬峯蔚

白浪生神足衣珠泛海風寶陀山頂月無處不圓通

觀音菩薩補陀巖示現偈

中峯本

妙圓通體超諸礙包裹色空合法界見與不見二俱離  
始識大悲觀自在琴軒居士佛眼通白華巖畔追靈蹤  
狹路相逢避不及似鏡照鏡空合空引墨援毫書所見  
揭破浮雲呈日月盡十方空一普門妙相塵塵俱露現  
梅花山裏老禪翁滄海一粟夫子馮浩浩春雷鼓筆舌

巨篇長偈真豪雄俾我重圍末後句口縫未開先吐霧  
若以耳聞非所聞不以耳聞非所據我昔曾遊碧海東  
海王抱日扶桑紅怒浪搖金光閃爍照開朶朶青芙蓉  
無位真人潛洞府洞裏潮音喧萬鼓珊瑚樹頭月徘徊  
水晶簾外蛟龍舞波神拔劍驅長鯨吞空浪雪粘青冥  
撒出龍堂珠萬斛寶光射透琉璃屏法身驚入一毛孔  
一毛孔裏波濤湧爾時大士失卻磐陀石上吉祥草與  
蒼葛華但見土煙翠霧埋雙踵有眼共見耳共聞妙圓  
通體鐵渾淪最初末後句非句萬里潮聲撼海門

補陀山觀音偈

有序  
以下明

釋性徹

普陀山志

卷之二十 讚偈

三

余洪武十七年孟夏上旬泛海遊山諦觀聖境頓見水  
天一色淨若琉璃萬象森羅炳然齊現所覩靈異難以  
具陳是故踊躍歡喜不自知形身在人間世也信知如  
來說華嚴時入海印三昧豈欺我哉再于己亥冬夢遊  
是境與昔無別遂乃焚香遙禮輒伸鄙見說偈贊曰菩  
薩常居娑竭海慈悲願宏無向背分明化影滄海東應  
現諸方無不在所證三摩地那分西與東突出摩醯眼  
八面虛玲瓏海印發輝炳然現懸河四辨明真宗花開  
小白巖天香吹徧界紫竹旃檀盡作林孔雀頻伽歌梵  
唄昔年親曾海上遊靈山倒卓波面浮可是圓通真境

界白衣妙相乘蓮舟四圍縱周覽浩渺難可窮上極通  
霄漢下瞰龍伯宮波光瀲灩吐陰火潮音日夜號天風  
雲鋪白銀界地布黃金沙琉璃相間錯有若優曇花譬  
陀上看扶桑日紅輪湧現猶天車覽斯妙境非實相普  
門示現如夢想幻出樓臺縹緲間寶網珠光遞輝朗聞  
聲豈是聲見色原非色別是一壺天智識誰能測經行  
宴坐水晶宮受用風清與月白十聖及三賢到此應難  
渡萬派洞漩任參互潛流密布四神州潤濕羣萌爲雨  
露我今親禮贊惟垂遙鑒知徹底揭翻生死海普令頓  
證佛菩提

普陀山志

卷之二十 讚偈

五

禮觀音大士偈

釋傳燈

稽首觀音大悲之主我今說偈畧讚所以所以者何所  
謂三摩菩薩證入常住寶陀寶陀山在今之南海世界  
有壞此山不毀山居世界云何不壞誠由菩薩心得自  
在心自在故山亦堅固境卽是心迷亦成悟故菩薩身  
坐紫竹林微風吹動常演法音金沙布地七寶爲砌功  
德之香白華泛瑞青青楊柳四時常有水盈淨瓶塵不  
能垢潮音洞中常顯神通出沒無礙其猶履空盤陀石  
上毫光常放一切衆生莫不仰望以仰望故來者沿踏  
爲求菩薩作彼依怙菩薩大聖感無不應隨彼所求惟

願是聽欲演法音先爲現身十法界象不出一心蓋此  
一心具無量身此一一身橫廣豎深此一分心誰人不  
有衆生狗生自生過咎菩薩妙智不同于世從聞思修  
入三摩地無量劫中證此圓通超世出世異而復同以  
由同故能覺迷悟衆生蒙此遠離恐怖故菩薩身或現  
千手無非示現衆生本有于一一手各有一眼衆生千  
現亦復不減從此一千增至八萬普令衆生卽心成辦  
蠢蠢之曹各具塵勞卽障顯德道固非遙旣現身已乃  
爲說法大小徧圓渡河之筏身而無身說而無說澗畔  
松風水中明月以無身故無所不身高低嶽瀆普現巨  
普陀山志

卷之二十 讚揚

手

春以無說故無所不說遠近潮音出廣長舌卽此形聲  
號曰普門我于日用無不見聞惟願菩薩令我開悟一  
超直入妙莊嚴路

觀音大士像贊

以下  
國朝

釋性統

寂然不動感而遂通耳觀無盡眼聽何窮惟一音之妙  
入廣慈渡于寰中

繡觀音像贊

前人

用手把針以針引線誰爲爲此繡成背面紫竹林中潮  
音岸畔呼彼善財鸚鵡隨現手中童子送將來珍重老  
婆心一片



